

رواية

قصص الكلفيف

على زين العوفي





قصر الكفيف

رواية

علي زين العوفي

دار كتاب للنشر والتوزيع



الطبعة الأولى 220
الكتاب: قصر الكفيف
تأليف: علي زين العوفي
تصميم الغلاف: مروة صلاح
إخراج: رضوى مرشدي غريب
المقاس: ٢٠ × ١٤
رقم الإيداع: 11399/2019
التقديم الدولي: 978-977-6597-57-0

مسؤول النشر

طارق رمضان

مدير التسويق

رضوى عصام

مدير العلاقات

عمر عبد السميع

مسؤول علاقات عامة

غادة العقاد

جميع الحقوق محفوظة

all rights reserved . no part of this book may be reproduced '
stored in a retrieval system , or transmitted in any form or by any
means without prior permission in writing of the publisher.

جميع الحقوق محفوظة لا يسمح بإعادة إصدار هذا الكتاب
أو أي جزء منه أو تخزينه في نطاق استعادة المعلومات أو نقله
بأي شكل من الأشكال ، دون إذن خطي مسبق من الناشر .

العنوان: ٩٩ تقاطع الفلكي مع محمد محمود - القاهرة - مصر
التليفون: ٠١٠٢٩٧٥٥٢٠٠

Email: darkitabone @ gmail.com

إهداء

إهداء إلى كل شخص فقد بصره ولم تمنعه الإعاقة من كتابة التاريخ أمثال طة حسين أبو العلاء المعري أباشار بن برد أ
عبدالله البردوني وغيرهم من العظماء .

إهداء إلى العالم لويس برايل الذي أكتشف نظام كتابة
وقراءة يستخدمه الأشخاص المكفوفين او الذين يعانون من
ضعف حاد في البصر وأضاء ظلام الحياة للمكفوفين .

ليس الكفيف الذي أمسى بلا بصر
إني أرى من ذوي الابصار عميانا ..
- إيليا أبو ماضي

الفصل الاول

تساقط أشعة الشمس في الصباح الباكر على قصر محمد القاضي أكان هذا القصر يتميز بمساحته الواسعة وتعدد طوابقه ، مصمم على نظام القصور القديمة ذات الطابع الجمالى والنظام المعماري الرائع وحوائطة العملاقة المجلطة بالتحف ورسومات الحائط الجميلة والتماثيل المنحوتة على جدران الحوائط وشرفات القصر بالاضافة إلى حديقة كبيرة ذات المساحات الواسعة من الجنائن الخضراء المليئة بالاشجار ونباتات الزينة والزهور والورود ذات الالوان الرائعة والرائحة الخلابة التي تنعش الانف والاشجار العالية المزروعة بجانب أسوار القصر وطريق من الارضية الصخرية يربط بين أبواب القصر للسير عليها مشيا او بالسيارة ، وسيارة مارسيدس ذات الصناعة القديمة الموجودة داخل القصر واقفه بجانب بوابة القصر الداخلية .

وبوابة خارجية ضخمة مصنوعة من الحديد يقف عندها شخص سوداني في الثلاثينات من عمره طويل القامة وسمراء اللون جاء للعمل في مصر بحثا عن لقمة العيش وكان يعمل ببواب لقصر محمد القاضي يدعى «عم سليمان»

كان يعمل بجانبه شخص يدعى «عم عمران» الحاضر من إحدى قرى محافظة الغربية للعمل غفيرا في القصر والذي

يمتلك سلاحاً شخصي كبير مرخص لحماية القصر والذي كان معلق على كتفه دائماً وكان في عمر عم سليمان أيضاً .

كان عم سليمان وعمران جالسان سوياً على بوابة القصر الخارجية مضطربين وعلامات القلق تظهر عليهم وذلك بعد إحضار محمد القاضي الطبيب الخاص لزوجته مدام وفاء بعد شعورها بالآلم الولادة ، جميعهم مترقبين مولود جديد يأتي إلى القصر في هذا اليوم .

وكان قلقهم الزائد بسبب تأخر مدام وفاء عن الإنجاب عدة سنوات ومع مرور الوقت خرجت الست وفاء من بوابة القصر الداخلية تنادي على كل من عمران وسليمان بشغف شديد وفرحة قائله :

مدام وفاء خلفت ولد زي القمر .

وكانت تحمل بعض الاقمشة لتكسوا بها الطفل ثم دخلت الى القصر مسرعه أستقبل كل من سليمان وعمران هذا الخبر بالفرحة والسرور وأحتضان كل منهما الآخر ومسك عم عمران سلاحه بيديه وقام بتعميره وضرب عدة طلقات في السماء أحتفالاً بالطفل الجديد الذي جاء القصر بعد فترة أنتظار كبير دامت لسنوات .

سمع « عم أشرف » طلقات الرصاص وجاء مسرعاً ليشارك معهم أحتفالهم بالمولود الجديد أكان عم أشرف يعمل جنائني بحديقة القصر ويساعد الست زينة في

تنظيف القصر وتحضير الطعام ..

قبل هذا الحدث بسنوات طويلة ...

ولد محمد القاضي في باريس وكان ينتمي لعائلة مصرية كانت تعيش في باريس في ذلك الوقت وكانت تعيش حياة مليئة بالثراء ، حيث كان أبيه مصري وأمه فرنسية والتحق بالمدارس حتى وصل إلى الجامعة والتحق بجامعة « باريس سود » كلية التجارة وإدارة الأعمال حتى تخرج منها وعمل مع أخوته في التجارة وأعمالهم الخاصة في فرنسا حتى توفي والده وقررت أمه الزواج من رجل كان صديق لها في العمل الأمر الذي أغضب محمد القاضي وترتب على ذلك اختلافه مع والدته في الحياة الاجتماعية وأخوته في العمل .

وفي ذلك الوقت ظهرت مشاكل في باريس وهي الهجوم على ديانة الاسلام والمعاملة السيئة لهم حينها قرر محمد القاضي العودة إلى مصر لأن أبيه كان يتمني ذلك قبل وفاته وكان يريد محمد القاضي أن يفعل ذلك منذ صغره وأن يزور مصر الأمر الذي زاد من مشاكله مع أخوته لأعتراضهم على هذا القرار ولكن أصر محمد القاضي العوده إلى مصر .

نتج عن ذلك خلافات كثيرة مع أخوته وقرروا تصفية أمواله من مشاريعهم وأعطوا له مبلغ ليس بقليل ولكن كان نصيبه أكثر من ذلك .

لم يعترض محمد القاضي على ذلك ورضي ولكن تولى

بداخله شعور الكره لأخوته وقام بتصفيه جميع أمواله من بنوك فرنسا وبيع نصيبه من منزل أبيه وكل ما يتعلق به في باريس ونزل إلى مصر ..

بعد نزول محمد القاضي مصر قرر شراء بيت كبير وعمل في التجارة ولم يتواصل مع أخوته منذ نزوله مصر وقرر أن يبدأ حياته من جديد ، كان محمد القاضي يتميز بعقليته التجارية الرائعة والتي جعلته يعمل في التجارة ويكبر في السوق وأستطاع أن يصبح أسماً كبيراً في وقت صغير أحب إحدى فتيات المعادي تدعى وفاء والتي كان والدها تاجراً كبيراً وعندما تقدم لها رفض في بداية الأمر بحجة أنها ستكمل تعليمها ولن يزوجها إلا بعد تخرجها من الجامعة .

أنتظرها محمد القاضي من شدة حبه لها وأشتري قصراً كبيراً حتى لا يرفضه والدها الزواج منه وقرر ان يتقدم لها مرة أخرى بعد أن تخرجت من الجامعة كما أخبره والدها من قبل .. وافق والدها على زواجها به وعاشت معه داخل قصره وتولدت قصة حب كبيره بينهم أحضر محمد القاضي كل من سليمان وعمران وأشرف والست زينة للعمل في القصر وسبب أحضاره للست زينة هو حب مدام وفاء لها .

كانت الست زينة سيدة أرملة توفي زوجها بعد أن أنجبت طفلاً صغيراً بعدة أيام وتملك بنت صغيرة لا يتعدى

عمرها الثلاث سنوات كانت تنتمي لإحدى قرى محافظة القلوية ولكن أولادها كانوا يعيشان مع جدتهم لوالدهم في القرية وتعمل الست زينة في القصر وتسافر لهم من حين لآخر للاطئنان عليهم ومدهم بما يحتاجون من المال .

عاش محمد القاضي وزوجته مدام وفاء حياة زوجية سعيدة ولكن مع الوقت ظهر عليهم الخوف وذلك بسبب تأخر مدام وفاء عن الانجاب الامر الذي جعل محمد القاضي يذهب معها إلى عدة أطباء لمعرفة سبب تاخرها عن الانجاب ويقوم بعلاجها .

أستمر هذه الفترة لمدة ثلاث سنوات من العلاج والقلق والخوف في قلب كل من محمد القاضي وزوجته أدى ذلك إلى الغضب الدائم من محمد القاضي لعمال القصر وأحيانا زوجته .

وفي يوم من الايام أخبره أحد الاطباء أن زوجته وفاء حامل ، أستقبل الزوجان هذا الخبر بالفرحة والسرور ولكن أخبرهم الطبيب أنها ستعاني من التعب الشديد أثناء الحمل ويجب أن تلتزم بالراحة وتناول الادوية في مواعيدها والمتابعة الدورية مع الطبيب حتى لحظة الولادة .

وبالفعل عانت مدام وفاء بصعوبة شديدة في فترة الحمل تذهب دوماً إلى الاطباء لكثرة شكواها ، أما عن أهلها فإضطربت علاقتها بهم بسبب أنطوائية محمد القاضي

وأسلوبه السيئ معهم أوسبب ذلك هو طمع بعض أقاربها بعد وفاة والديها في تجارة وأموال محمد القاضي ، أما وفاء فأضطرت لذلك خوفاً من غضب زوجها وبعدت عن أهلها ولم تذهب ولا تتحدث معهم إلا عند الحاجة الشديدة فقط وترتب على ذلك كره أهلها لها .

أنجبت وفاء طفل صغير ذات الملامح الجميلة وشعره الاسواء الثقيل وبشرته البيضاء أستقبل محمد القاضي ابنه بدموع الفرحه وأخذ يقبل وجهه ورأسه ويأخذه بالحضن من شدة اشتياقه له وقام بتسميته « سليم »

« سليم محمد القاضي »

تمر الايام يوماً بعد يوم يكبر الطفل تدريجياً ويتربى على عطف وحب والديه ولكن كان يعاني من الصفر والبكاء الشديد طوال فترة الرضاعة وكان كثير الذهاب إلى الاطباء وعندما وصل عمره التسعة أشهر أخبرهم أحد الاطباء أنه مريض بالقلب ومع الوقت تحددت المشكله انه يعاني من ضعف عضلة القلب أخبرهم الطبيب أن أمر ليس بخطير إذا أخذ الادوية في مواعيدها وعدم التعرض لأي مجهود واجتناب غضبه حتى لا يتعرض للبكاء الذي يؤثر عليه بالسلب .

عاش سليم بمرض القلب من صغره عندما يأخذ الادوية بمواعيدها ولا يبزل أى مجهود تصبح حالته الصحية جيدة

ومن هنا أخبره الطبيب انه سيعيش بقيه عمره بذلك
المرض وأن يحضر إليه باستمرار ليطمئن على صحته .
ذلك كان رد الطبيب دائما عندما كان يخبره محمد القاضي
بالسفر لغرض العلاج خارج مصر .

وبعد فترة من الوقت وبعد أن كبر سليم حتي مشى علي
قدمية وفتح عقله وبداء بالتحدث بالحروف والكلمات
الاولى التى ينطقها أي طفل في بداية نطقه ، ومع الوقت
لم تحمل مدام وفاء مرة أخرى وقررت الذهاب إلى نفس
الطبيب ليساعدها في أنجاب طفلاً آخرأ كررها الادوية
مرة أخرى وأخذت تتابع معه مثل حملها الاول ولكن
هذه المره لن تحمل! وبعد عمل عدة تحاليل وفحص طبي
أخبرها الطبيب أنها لن تنجب أطفال مرة أخرى !!

هذا الخبر الذي نزل بالصاعقة على مدام وفاء والذي
أبكاها لعدة أيام وأخذت تدعو الله بشفائها ويعويضاها
بطفل آخر وأن يشفي أبنها سليم الوحيد الذى سيعاني من
مرض القلب طوال حياته أما محمد القاضي والذي كان
غاضباً وحزيناً بعد سماع هذا الخبر والذي نتج عنه بعده
عن عمله فترة من الزمن لان حالته النفسية لم تعد جيدة
ومع الوقت تماسك وأعطاه الله هبه الصبر وحمد الله على
نعمة طفله الصغير سليم .



تمر أيام ويليهها أسابيع ثم شهور يكبر سليم يوماً بعد يوم في عز والديه وكان شديد التعلق بهم وهم أيضاً كذلك ونال سليم حب جميع عمال القصر لحفه دمه وأبتسامته الدائمة أكان أسعد أوقات عمال القصر هو لحظة لعبهم مع سليم والتي لم تكن مستمرة لتواجهه مع والده طوال الوقت .

كبر سيلم وأصبح عمره ست سنوات حتى التحقق بالمدرسة أكان رغم صغر سنه إلا انه كان فصيح في حديثه يتكلم في أكبر من سنه وكان الاذكى والاقوى في التعليم عن بقية الاطفال الذين في مثل عمره وتعلم اللغة الانجليزية وكان متفوق دائماً في دراسته أو عندما أتم السبع سنوات وأنتقل إلى الصف الثاني من التعليم الابتدائي .

وفي يوم من الايام ذهب سليم مع أبوية في رحلة إلى الاسكندرية لقضاء عدة أيام قبل بداية العام الدراسي الجديد لغرض جمع إيجار بيت كبير يملكه محمد القاضي في الاسكندرية والاستمتاع بجو وبحر الاسكندرية الجميل في الصيف أو قبل مغادرة القصر قرر محمد القاضي أن يجتمع بجميع عمال القصر ليعطيهم تعليماته للحفاظ على القصر وعدم التسبب داخل القصر أثناء غيابه أكان حديث محمد القاضي معهم شديد وأخبرهم بغلق باب القصر بعد خروجه بالسيارة وعدم فتحه مرة أخرى إلا عند عودته بخير من سفره .

وأثناء السفر كان يقود محمد القاضي سيارته و مدام وفاء تجلس على المقعد بجانبه وسليم جالسا على قدميها ثم قررت أن تحمل سليم بيديها ليقعد على المقعد الخلفي بحجة انه أصبح كبير السن وأنها لا تستطيع تحمله جالسا على قدميها طوال الطريق أخذ حديث محمد القاضي وزوجته تركيزه وأنتباهه أثناء السفر حتى رأى سيارة مخالفة لأتجاه الطريق أمامه فجأه!! عجز عقله عن التفكير ولم يستطيع التصرف حتى أصتدم جانبي السيارتان ببعضهم وأنقلبت سيارة محمد القاضي على جانبيها ثم راسها حتى أنقلبت على جانب الطريق !!!

الفصل الثاني

انتقلت سيارات الإسعاف الى مكان الحادث لتحمل المصابين إلى أقرب مستشفى وعند وصولهم المستشفى تفرقت أجسادهم داخل غرفة الطوارئ في المستشفى للالحاق بحياتهم ، وصل الخبر إلى عمال القصر وذهبوا جميعاً مسرعين إلى المستشفى للإطمئنان على محمد القاضي وزوجته وسليم .

وبعد مرور يومان أستيقظ محمد القاضي وعاد إليه وعيه منذ ذلك الحادث يشعر بدوخة شديدة وآلم شديد في رأسه وجسده ملئ بالكدمات والجروح وموصل بعدة أسلاك وأجهزة ومحاليل أخذ يتذكر الحادث وهو على السرير ثم نادى على إحدى الممرضات المتواجדות داخل الغرفة ليسألها ماذا حدث له ولأسرته ؟

أخبرته أنه تعرض لحادث أدى إلى أصابته بارتجاج في المخ وكسر بيده اليسرا ولكن صحته جيدة الان ولم يعد هناك أي خطر على حياته أو عندما سألها عن زوجته وأبنه أخبرته أنها لا تعرف شئ عنهم !

قام محمد القاضي من سريريه ليعرف ماذا حدث لأسرته التي كانت معه في نفس الحادث ، شعر بدوغه شديده أثناء قيامة من السرير ولكن لم تمنعه عما سيفعل خلع محلول الدواء العالق على يديه اليمنى ثم قام من على السرير

وأخذ يمشي خارج الغرفة أذهبت إليه ممرضتان يمنعه
مما يفعل نظر إليهم بفرع شديد وقام بدفعهم وتابع سيره
في اتجاه باب الخروج وأثناء مشيه كان جسده يلقي يمناً
ويساراً دون أن يقع على الأرض يحاول أن يسيطر على توازنه
والبكاء في عينيه وينادي «وفاء» ويتابع ندائه «سليم» حتى
فتح باب الغرفة ثم وقع على الأرض.

كان في أنتظاره خارج الغرفة عمال قصره جالسين على
مقاعد الاستراحة ليطمئنوا عليه وعندما راوه وهو واقع
على الأرض ذهبوا إليه مسرعين ومسكوه من يديه السليمة
وأخذوا يرددون جميعاً ..

«حمد الله على سلامتك يا بيه»

لم يرد عليهم محمد القاضي ليخبرهم على سلامته ولا
صحته كل ما أخبرهم به وألقاه من فمه هو وفاء وسليم
ماذا حدث لهم؟

صمت كل من سليمان وعمران والست زينة بعد سؤال
محمد القاضي وأخذ كل منهم ينظر لغيره ليخبره ماذا
حدث .. الأمر الذي أثار غضب محمد القاضي وقال لهم
بصوت عالي

«حصلهم ايه»؟

فجأه تكلم سليمان قائلاً :

مدام وفاء في زمة الله الدكاتره أخبرتنا أنها وصلت المستشفى
ميتة .. تعيش أنت يا بيه ..

بكى محمد القاضي بعد سماع خبر وفات زوجته وأخذ
يضرب رأسه على الحائط المستند عليه ثم تابع حديثه
قائلاً :

وسليم حصله ايه ؟

ردت الست زينة قائلة :

سليم كويس يا بيه هو محجوز في رعاية المخ والاعصاب
والدكاتره أخبرونا انه عدى مرحله الخطر وبقى كويس ..

نظرات من الأسى والحزن تملأ وجه محمد القاضي بعد
سماع خبر وفات زوجته وأبنة الموجود بين الحياة والموت
في غرفة الرعاية أما عمال القصر فكانوا جميعاً حزينين لما
دار لأسرته أينظر كل منهما للأخر مترددين لا يعرفون ماذا
يقدمون او يفعلون !!

خرج محمد القاضي عن صمته وقال لعمال القصر :

خذوني على قوضة سليم أطمئن عليه ..

رفعه كل من سليمان وعمران من الارض وأمسك كل منهم
يديه وسندوه وأخذوه إلى الغرفة المحجوز بها سليم ليطمئن
عليه أو عندما وصل إلى الغرفة أخذ يطرق على بابها ليرد

عليه أحد يطمئنه على حالة سليم أرد عليه أحد الاطباء
المتواجدين داخل الغرفة فقال له :

أسمي محمد القاضي أبني محجوز عندكم جوه وعاوز
أطمئن عليه !

فتح له الطبيب باب الغرفة وسمح له بالدخول أو أثناء
دخوله قال له محمد القاضي :

أبني سليم وصل عندكم من يومين أنا أبوه وكنت معاه
في نفس الحادثة ولسه فايق طمني عليه يا دكتور ربنا
يكرمك ؟

أخذه الطبيب إلى سرير سليم ليطمئن عليه وعندما رأى
أبنه مال عليه بجسده وقبله من راسه وأخذ ينادي عليه :
قوم يا سليم طمن قلبي عليك .

ثم قاطع الطبيب حديثه مع أبنه وقال له :

أطمئن يا فندم هو عدى مرحلة الخطر وبقى كويس
الحادثة عملتله نزيف في المخ في مركز الرؤية ويعمله
ضعف عام في جسمه بس مش هيبقى خطر هيتابع مع
دكتور مخ وأعصاب وهياخد كام جلسة علاج طبيعي
هيعطط فيهم جسمه ويقوي عضلاته ويحسن التوازن عنده
وصدقني هيبقى كويس بس للأسف النزيف إلى حصله
أصابه بالعمى .

أستقبل هذا الخبر بالصاعقه على قلبه حتي سالت الدموع من عينيه وأختل توازنه حتى أخذ الطبيب يديه حتى لا يقع على الارض أما عمال القصر فكان رد فعلهم جميعاً لا يختلف عن رد فعل أييه وضع كل منهم يديه على رأسه من شدة الصدمة أما الست زينة أخذت تضرب بيديها على وجهه حزناً لما حدث للطفل الصغير .

تابع الطبيب حديثه قائلاً :

الحمد لله يا فندم ده أتكتبله عمر جديد أمكناش متخيلين انه هيعيش بس الحمد لله صدقني بقى كويس هو فايق وبيتكلم بس واخذ أدوية مهدئه ولما هيفوق هيبقى كويس وأحتمال يخرج من الرعاية النهاردة وهيتنقل غرفة علشان نظمن على قلبه واضح أن كان عنده مشكله في القلب وده كان مخوفنا بس بردو الحمد لله عدت على خير .

خرج محمد القاضي من المستشفى ومعه عم سليمان وعمران أما الست زينة فجلست مع سليم لتكون مرافقه له داخل المستشفى أتجه محمد القاضي ومن معه إلى المقابر لقراءة الفاتحة على روح زوجته وحب عمره مدام وفاء وأخذ يبكي على قبرها ويتحدث معها قائلاً :

أنا أسف يا وفاء .. الي حصل كان غضب عني وأنتي شوفتي بنفسك وأسف أني محضرتش جنازتك ومدخلتكيش بنفسي القبر بس أنا كنت في عالم تاني مكونتش أتمنى أفوق

منه بس حكمه ربنا كده أكان لازم حد فينا يعيش علشان يخلي باله من سليم الى أتكرم من أحلى نعمه ربنا أنعمها علينا وهي نعمه البصر أدعيله وأنتي عند ربنا بالشفاف .

وبعد أنتهاء حديثه مع جدران المقبره ووضع الورود على قبرها أمسك سليمان بيديه اليمنى حتى وقف على الارض وأثناء خروجه من المقبره إذ يقابل عائله زوجته داخلين لقراءة الفاتحة عليها ولكن عندما رأوه صرخوا في وجهه وأخذوا يسييونه ويدعوا عليه وأثناء رد سليمان عليهم بانه ليس لديه ذنب أمره محمد القاضي بعدم التحدث و أخذهم ورحل .

أخذ يتردد محمد القاضي على المستشفى للأطمئنان على حالة سليم ودخل عليه الغرفة وكان سليم جالس على سريره وأخذ يقترب إليه بخطوات بطيئه وعلى وجهه أثر الحزن ولكن تغلب على حزنه ودخل للتحدث مع سليم وكان بيده نظاره سودا لتغطي عينيه وقال له :

سليم أزيك طمني عليك يا أبني ؟

حرك سليم رأسه في اتجاه الصوت الذي سمع فيه صوت أبيه وقال :

ده صوت بابا .. أنا كويس يا بابا الحمد لله بس الدنيا هتفضل ضلمه كده كتير ؟

فرد عليه :

لا أول ما هنخرج من هنا هنروح لأكبر دكتور في مصر
علشان تتعالج

فقال :

خلاص خليك جنبي أنا خايف وحاسس أني مش عارف
أتحكم في نفسي ولا قادر أتحرك.

فرد :

خلاص كلها يوم ولا أثنين وتخرج من هنا ونروح القصر
وهتبقى كويس .

فقال له سليم :

هو صحيح ماما عند ربنا ؟ زينة قالتلي كده ؟

فرد بحزن :

اه يا حبيبي ..

ثم خرج مسرعاً من الغرفة لأنه لا يوجد كلام يقوله
لسليم فقرر الانسحاب من الحديث معه حتى لا يشعر
الطفل بحزنة أو بعد مرور يومين خرج سليم من المستشفى
جالساً على كرسي متحرك وأخذه أبيه بالسيارة إلى عدد من
الاطباء ولكن كانوا جميعاً لديهم نفس الرد وهو

« سليم مش هيشوف تاني » .

عاد سليم إلى القصر مع أبيه وكانت اللحظة الأولى منذ الحادث أحضر إليه أبيه كرسي متحرك بالبطارية ليتحكم فيه سليم عن طريق زرار تحكم عند يديه اليمنى ألتزم سليم بالكرسي بناءً على تعليمات الاطباء حتى لا يتعرض قلبه لأي مجهود في هذه المرحلة ومع الوقت أحضر إليه أخصائي العلاج الطبيعي لعمل الجلسات المنزلية حتى يستطيع المشي وتحسين توازنه ونجحت مهمه العلاج الطبيعي كعادتها بعد عمل عدة جلسات وأستطاع سليم المشي بمفرده مرة أخرى وتحسن توازنه .

وفي يوم من الايام كان يجلس محمد القاضي مع أبنه سليم داخل غرفته فأخذ يحدث أبنه قائلاً :

حاسس بايه دلوقتي يا سليم ؟

فقال :

حاسس كأني في قوضة ضلمه مش شايف أي حاجة حواليا ومش عارف أعمل أي حاجة مع إن حاسس في ناس تانية معايا في نفس القوضه بتعرف تعمل كل حاجة وأنا بس الى عاجز ومش شايفهم أحساس وحش أوي !

مسك أبيه يديه ثم طلب منه أن يمشي أمامه أمشى سليم خطوات قليله وهو رافع يديه أمامه حتى لا يصتدم جسده

بشيء ثم وقف فجأه ولم يواصل ، وحينها تحدث معه أبيه قائلاً :

وقفت ليه يا سليم ؟

فرد :

أنا خائف ..

فقال له بنظره حماسيه قائلاً :

الحياه معركة ولازم تخوضها وأنت قوي حتى لو أتصبت في الطريق لازم تقوم تانى وتكمل لحد ما تتصر عليها أوعى تسيب نفسك للدنيا تلعب بيك خليك أقوى وألعب أنت بيها .. أقدار ربنا بتحصل وكل حاجة مكتوبه هتشفوها حتى لو وحشه بس مينفعش نستسلم .

ثم قام من مقعده وتابع حديثه قائلاً :

في علماء كثير وأدباء حصلهم الي حصلك بس مستسلموش للقدر قاموا تاني وكمّلوا حياتهم ووصلوا لحلمهم وحفروا أسمائهم في التاريخ وأنت عبقرى وتقدر تعمل كده أوعدي أنك مش هتستسلم وهتبقى حاجة كبيرة .

أوعدك .

فتابع أبيه حديثه :

أول خطوة هنبداً بيها أزاى تتغلب على خوفك وتثق في نفسك ومتحتجش لحد أربنا أخذ نظرك عادي ربنا نعمه كثير أشغل عقلك ، سمعك ، شمك ..

ثم أخذ يديه وقال :

علم حياتك وشغل عقلك وأعرف من السرير لباب القوضة كام خطوة وبعد ما تخرج من القوضة عد كام خطوة لحد ما توصل للحمام وهكذا ..

ثم تابع حديثه قائلاً :

« لا تجعل أحد ينظر إليك نظرة تعاطف كن أنت أقوى منه وأجعله ينظر إليك بنظره فخر وهيبه »

قرر سليم أن يفعل ما أخبره به أبيه وهو تشغيل العقل وباقي حواسه ..

قوم من على السرير من الجنب اليمين هتأخذ ثلاث خطوات لحد ما توصل لنهاية السرير وبعدين لف شمال شوية وأمشي ست خطوات لحد ما توصل لباب القوضة وبعدين هتلف شمال شوية وتمشي أربع خطوات لحد ما توصل للسلم هتنزل ١٢ درجة سلم لحد ما توصل للصالة ..

هكذا فعل سليم ليتعلم أركان القصر ويستطيع المشي سريعاً دون توتر أو خوف أو الحاجة لأحد وساعده في ذلك

عصا معدنيه صغير عند توجيهها إلى الارض تفرد وتصبح كبيره يمسكها في يديه حتى لا يصطدم بشئ أخذ يتدرب سليم على السير داخل أركان القصر بهذه العلامات ومع الوقت والتكرار أصبح حركته أسرع وقل خوفه ويستطيع الذهاب إلى أي مكان او غرفة داخل القصر بمفرده ومع الوقت أصبح الوضع أكثر سهولة .

كان محمد القاضي يتابع سليم من بعيد رغم أن سليم أصبح يعتمد على نفسه إلا أن أثر الحزن يزداد كلما رأى أبنه الوحيد هكذا ثم رفع يديه إلى السماء ودعا ربه قائلاً :

« يارب لقد أخذت منه أفضل نعمك عوضه خير بنعمك التي لا تحصى »

وفي يوم من الايام خرج محمد القاضي من غرفة سليم وأثناء نزوله درجات السلم رأى الست زينة وهي ذاهبه إلى غرفتها فنادى عليها .. وعندما حضرت إليه قال لها :

أبنك عامل ايه دلوقتي يا زينة ؟

فردت متعجبه :

كويس يا بيه الحمد لله أهو عايش مع جدته .

فقال لها بعد تفكير :

هو عنده كام سنه دلوقتي ؟

فردت :

عنده ١١ سنه .

فقال :

أسمه ايه أنا بنسى أسمه ؟

فردت :

أسمه خالد يا بيه .

فقال :

تقدري تجيبه يعيش معاكي هنا في القصر ، يعيش معاكي
وفي نفس الوقت هيبقى ليه مرتب شهري زيك بظبط .

فردت وهي سعيدة والفرحة تملأ عينيها :

شكراً يا بيه ربنا يخليك .

فرحت الست زينة بعد حديثها مع محمد القاضي وذلك
لأنها سوف تحضر أبنها معها في القصر يعيش حياة راقية
ويكون بجانبها ، أما هو فقرر أحضار خالد إلى القصر
ليكون صديقاً وأخ لسليم يلعب معه ويكبران سوياً ويكون
سنداً له .

بدأ يشكوا محمد القاضي بارتفاع في ضغط الدم المستمر
وأخبره أحد الاطباء بتجنب الحزن وأخذ أدوية لخفض

ضغط الدم باستمرار يومياً ..

وصل خالد إلى القصر بعد طلب محمد القاضي ليعيش معهم داخل القصر وكان عمره حينها إحدى عشر عاماً ، وأثناء دخوله القصر كانت علامة السعادة تملأ وجهه ، فالقصر أشبه بالجنة بالنسبة للحياة التي كان يعيشها في القرية أنادى عليه محمد القاضي أثناء تواجده داخل القصر وكان يقف بجانبه سليم وعندما حضر إليه أخذه بعيداً ثم قال له :

هتعيش هنا في القصر مع صبحك سليم .. هو مش يشوف أوعى تريق عليه او تتكلم معاه في الموضوع ده ، عاوزك تخلي بالك منه وأوعى تزعله وأنت بتلعب معاه أعاوزك معاه زي ضله وفي نفس الوقت هتعيش هنا مع والدتك أهنا أفضل ليك .

ذهب خالد إلى سليم بعد حديث محمد القاضي له ، كان متحمساً للتعرف عليه واللعب معه حتى لا يشعر بالوحده أتعارف خالد وسليم على بعضهم وأصبحوا أصدقاء يلعبون سوياً حتى نهاية اليوم .

وفي يوم من الايام خرج محمد القاضي من القصر متجهاً إلى حديقة القصر ونادى على سليمان ليتحدث معه ثم جلس على مقاعد الحديقة حتى حضر له سليمان فاخذ يتحدث معه قائلاً :

أنت أقدم واحد من عمال القصر يا سليمان مش كده
وبس أنت أكثر حد أنا بحبه وبرتاح ليه وبشق فيه أعاوز
أتكلم معاك شويه !

فرد سليمان متعجباً :

أتفضل يا سعادته البيه تحت أمرك .

فقال :

صدمة أبني مأثرتش فيا أكثر من رد فعل أهلي وأهل أمه
أقارب أمه رفضوا تربيته لو حصل حاجة او موت ألسه
مش عاوزين ينسوا اللي حصل لبتتهم والي عملته معاهم
لدرجة أني أخاف أسيلهم أبني وسطهم يطلعوا كرههم ليا
عليه !

فرد سليمان :

طب وأهل حضرتك يا بيه ؟

فقال :

أهلي حاولت أكلهمم واتواصل معاهم مش راضيين
والرسايل اللي بعثها ليهم مردوش عليها أو كده يبقى اللي
عندهم معروف لأول مرة في حياتي أحس بالضعف والخوف
الي انا حاسه وعائشه دلوقتي الطفل الغلبان قليل الحليه
ده لو حصل حاجة مين هيخلي باله منه وهيرعاه !!

قاطع سليمان حديثه قائلاً :

إلى خلقه عمره ما هينسأه يا به أطمئن مش هتكون أحسن
عليه من إلى خلقه .

فقال :

عندك حق بس أنا عاوز منك .

قاطع سليمان كلامه قائلاً :

من غير ما تقول يا به سليم أبني وفي عيني طول ما ربنا
عطيني عمر متقلقش عليه وربنا يدك طول العمر .

شعر محمد القاضي بالسعادة والطمئنيه وقال له :

أنت أطيب قلب فيهم ومعدنك أصيل يا سليمان أوصيك
بسليم .

أخذت الدموع تتساقط من عينيه وترك سليمان ومشى
متوجهاً إلى داخل القصر أصبحت خطواته بطيئة وصحته
بدأت تنهار يوماً بعد يوم وأثناء سيره في حديقة القصر
متجهاً إلى البوابة الداخلية أخذ يتحدث مع نفسه قائلاً :

« أراي أسيب أمانة كبيرة زي طفل كفيف في قصر كبير زي
ده وفلوس كثير ربنا أنعم علينا بيها مالية خازنة القصر
أراي أسيب طفل زي ده مع ناس مش من دمه أياً كان
مدى حبهم ليه بس الزمن ممكن يغيرهم ويغير قلوبهم

أخايف أسيبه مع الناس الي معتبر أنهم هيقوا سنده
وظهره وممكن ييقوا هما مصدر حزنه وكسرتة .. المعادلة
صعبه يارب بس معنديش حل غير ده وأنت طبعاً الحافظ
والمنجي .

وأخذ يرفع يديه إلى السماء ويردد بصوت عالي :

« يارب لم أتركه لهم بل سأتركه لك وأنت خير الحافظين ..
سأتركه لك وأنت خير وكيل » .

ثم نظر إلى سليمان الذي كان واقفاً بعيداً .. وبعدها دخل
القصر .

أتجه إلى غرفة سليم وفتح بابها ودخل عليه أكان سليم نائم
على سريريه أقترب منه وجلس بجانبه على السرير وأخذ
يلامس شعره الناعم بيديه قليلاً وبعدها خرج من الغرفة
وأتجه إلى غرفة مكتبه ثم أتجه إلى خازنته الخاصة وضرب
أرقامها السرية حتى فتحت ، وأخذ ينظر محمد القاضي
داخلها أفقد كانت مليئة بالاموال وكانت في أسفل الخازنة
علبه معدنية من خام النحاس ذات اللون النحاسي القريب
من الذهبي والذوق الرائع وشكلها الجميل ومن ثم قام
بفتحها كان موجود بداخلها مجوهرات قيمة وثمانه كانت
تخص وفاء زوجته وهي مكونه من سلاسل من الذهب
الخالص وخواتم من الماس ومجوهرات أخرى متعددة
الاشكال والانواع .

أغلق العلبة النحاسية ثم وضعها مرة أخرى في مكانها داخل الخزانة وأغلقها أيضاً ثم ذهب إلى تليفونه ورفع سماعته وطلب أحد أصدقائه وعندما رد عليه أخبره أنه بحاجة إلى خزانة تفتح ببصمة الايدي ويريد شراء سبائك من الذهب أيضاً ثم أغلق سماعة التليفون وجلس على مقعد مكتبه يفكر .

ترك محمد القاضي عمله وتجارته بعد هذا الحادث الأليم ولم يعود إليها مرة أخرى بسبب ظروفه وليبقى بجانب ابنه سليم ، أدى ذلك إلى خسارته الكثير من الاموال في السوق ولكن لم يكن يبالي بهذا الامر !!

وبعد مرور عدة أيام دخل محمد القاضي غرفة سليم بعد طرق بابها سمح له سليم بالدخول وأثناء دخوله الغرفة شاهد شئ غريب ! الغرفة مرتبة ومنظمه بشكل جميل نفس ترتيب الاشياء مثلما كان يرتبها سليم قديماً أبدي والده أعجابه بالغرفة ونظامها وقال له :

قوضتك جميلة ومنظمه كويس زى زمان بظبط !

فرد عليه : اه

فسأله :

غريبة أن الست زينة تنظمها وتروقها زي ما كانت بتعمل بظبط مش كده ؟

فرد :

مش الست زينة اللى رتبته !

فتعجب أبيه قائلاً :

يبقى خالد هو اللى رتبها لك زي ما أنت عاوز !

فرد :

ولا خالد اللى رتب قوضتي !

نظرات تعجب تملأ تفاصيل وجهه وأخذ ينظر يميناً ويساراً بتركيز ولكن قاطع سليم تركيزه عندما أخبره انه هو من قام بترتيب وتنظيم غرفته بنفسه !

أزدادت نظرات الدهشه في أعين أبيه وأخذ يحدث نفسه كيف فعل ذلك !! ولكن أخبره بعكس ما في عقله قائلاً :

برافو بس أنا عاوز تنظيم أفضل من كده بردو .

فرد سليم :

بكره !

تعجب من كلمته ولكن قام بتغيير كلامه وفتح معه موضوع آخر كان يريد أن يتحدث معه فيه قائلاً :

خلال اليومين الجايين دول هاخذك أنت وخالد هقدملك

في مدرسة قريبة من هنا فيها جزء للمكفوفين وهاكمل
تعليمك أنت وعدتني أنك هاكمل وهابقى حاجة كبيرة
وبالنسبة لخالدها كمله في نفس المدرسة علشان يبقى معاك
وياخد باله منك .

رد سليم عليه بالموافقة والابتسامه تملأ وجهه .

ترك محمد القاضي سليم ونزل إلى حديقة القصر وشاهد
سليمان يجلس بعيداً على مقعده في الحديقة فذهب إليه
وجلس بجانبه وأمره بأحضار كوب شاي من أعمال يديه
وأخذ يتحدث معه قائلاً :

أخبار أولادك الصغرين أية يا سليمان ؟

فرد عليه :

بخير يا بيه الحمد لله بكلمهم كل يوم بظمن عليهم الأولاد
أعوده على عدم وجودي وسطهم يا بيه وانا أعودت و
كل فترة بحولهم الفلوس الى تقضي أحتياجاتهم .

فقال :

والمرتب بيكفيك يا سليمان ؟

فرد بشعور ملئ بالرضى :

اه يا بيه الحمد لله وبحوش منه كمان .

فقال له :

طول عمرك وأنت عندك قناعة يا سليمان ، معدنك طيب
الي زيك هيفضل غني جوه نفسه العمر كله .

صمت محمد القاضي قليلاً وأخذ يتناول كوب الشاي
الذي صنعه له سليمان ثم تابع حديثه قائلاً :

أنا هطلب منك طلب بس مش عاوزك تجادلني فيه يا
سليمان ومتسالنيش ليه مع الوقت هتعرف أجابته لوحده .
فرد عليه متعجباً :

أفضل يا بيه تحت أمرك .

فقال : أنت مصري بقلبك يا سليمان أنا عاوزك تبقي
مصري رسمي .. بالورق !!

فرد : يعني ايه يا بيه مش فاهم ؟

فقال له : أنت هتاخذ الجنسية المصرية يا سليمان ومن
بكره المحامي هيمشي في الاجراءات وهيخلصلك الورق .

لم يعترض سليمان لما قاله محمد القاضي ولا يعرف ما الذي
يدور في راسه فصمت .. وبعد هذه اللحظة تركه محمد
القاضي وذهب إلى داخل القصر وأثناء سيره في الحديقة
وقف القاضي ثم مسك كتفه الايسر الذي أشد عليه
التعب فجأه وبدأ يشعر بالتعب الشديد وانه لا يستطيع

أخذ أنفاسه ولا يتحدث مع أحد لاحظ ذلك سليمان وذهب إليه مسرعاً ليلحق به قبل أن يتساقط على الأرض وأخذ بيديه ثم نادى على أشرف ليساعده في حمل محمد القاضي إلى غرفته داخل القصر وحملوه بالفعل إلى غرفته وفي ذلك الوقت قامت الست زينة بالاتصال العاجل للطبيب ليلحقه .

اجتمع جميع عمال القصر داخل غرفة محمد القاضي وكان سليم واقف بينهم جميعهم في حالة خوف واضطراب حتى حضر الطبيب في وقت قصير وأخذ يكشف على القاضي وطلب منهم جميعاً الخروج من الغرفة حتى يستطيع أن يأخذ أنفاسه بهدوء ونقاء وبعد أن أعطاه بعض الأدوية والبعض الآخر ذهب عمران مسرعاً إلى أقرب صيدالية لأحضارها أستيقظ محمد القاضي من نوبته المرضية وأصبح بحالة أفضل مما سبق ولكن أخبره الطبيب تعرض لأزمة قلبية وفي حالة الشعور بالتعب مرة أخرى يجب الذهاب إلى أقرب مستشفى في أسرع وقت ولكن رد عليه بأن حالته أصبحت بخير ولا حاجة له بذلك .

تركة الطبيب وقبل أن يرحل من الغرفة قال له :

لازم تاخذ الدواء في مواعيده .. قلبك مبقاش زي الاول يا محمد بيه .

الفصل الثالث

خرج الطبيب ليطمئن عمال القصر على حالة محمد القاضي وحذرهم بالاحزن او يغضب بسبب قلبه ويجب أن يلتزم كل منكم الهدوء حتى لا يستيقظ لانه أعطى له مهدئ ويجب أن ينام ويرتاح قليلاً ثم رحل أجمع من في القصر كانوا مجتمعين أمام غرفة القاضي والذي أغلقها الطبيب بعد خروجه ، جميعهم يتحدثون عن حالة الصحية وكيفيه تدهورها في الفترة الاخيرة ويرد كل منهم على الآخر أما سليم فكان متواجداً بينهم ولكن لم يتحدث مع أحد ولم يرد على أحد ناظراً إلى الارض فقط وبعد فترة صمت طويله تحدث سليم لهم بصوت عالي قائلاً :

هو مش الدكتور قال التزموا الهدوء أمش عاوز أسمع صوت حد فيكم ويلا كل واحد يروح شغله او مكانه .

كانت هذه المرة الاولى مرة يتحدث سليم مع عمال القصر بهذا الاسلوب وهذه الطريقة التي أثارت حزنهم ولكن سمع كل منهم كلامه وذهبوا .. أما خالد لم يرحل معهم وكان واقفاً صامتاً أيضاً ولكن أتفت سليم على صوت أنفاسه وقال :

الكلام ليك أنت كمان يلا أمشي من هنا دلوقتي .

ذهب الجميع ولم يتبقى بجانب غرفة محمد القاضي إلا

سليم والذي كان جالساً وحيداً وحزيناً على أبيه وبعد وقت ليس بكثير أحس سليم بأن وجوده هنا ليس له داعي وعندما يستيقظ أبيه يستطيع أن يذهب للاطمئنان عليه ثم قرر الذهاب إلى غرفته أثناء نوم محمد القاضي على سريريه رأى حلم غريب في منامه وهو

« حلم انه كان يحمل فوق جمل ضخمة كان واقفاً عند بوابة القصر الداخلية كان مرتدياً ملابس ناصعة البياض يحمل على كتفه حقيبة بيضاء اللون أيضاً ثم أخذه الجمل إلى خارج القصر وأثناء ذهابه كان ينظر إلى سليم الذي كان واقفاً على بوابة القصر رافعاً يديه لأعلى ويحركها يميناً ويساراً وداعاً له حتى خرج من بوابة القصر ورحل »

وبنهاية الحلم أستيقظ من حلمه مفزوعاً ثم شرب كوب من الماء كان بجانبه ثم نظر إلى الحائط الذي كان عليه صورته مع زوجته وفاء أقام من سريريه وأتجه إلى تلك الصورة وأخذها بيديه وهو حزين وقال :

أنا آسف يا وفاء كنت أتمنى أكون سعيد بعد الحلم ده علشان أحتال أشوفك قريب .. بس أنتي بردو سييتيني وأنا عليا حمل كبير أوي يارب أنا جاهز لمقبلتك .. ليس أعترض مني على مشيئتك ولكن أمنح طفلي القوة والقدرة على تحمل الحياة والزمن الصعب ده .

ثم علق الصورة مرة أخرى في مكانها وذهب يبطئاً إلى

غرفة مكتبه ثم ذهب إلى الخازنة وفتحها وأخذ ينظر بداخلها حتى مد يديه على الصندوق النحاسي والذي كان مليئه هذه المره بسبائك الذهب التي طلبها من صديقه أ بالأضافة إلى المجوهرات القيمة الموجودة بداخلها ثم تحدث إلى نفسه قائلاً :

يارب عجز عقلي عن التفكير أزاى أسيب الامانة دي لأبني وهي مصدر للطمع وخايف يشوفها حد في يوم من الايام وتبقى مصدر طمع ويسرقها !

ثم أغلق الصندوق ووضعها مرة أخرى في الخازنة ثم قرر أن يصلي صلاة أستخاره عسى ربه أن يدلّه على شئ لم يكن في تفكيره وهو العالم بالغيب ، توضعى ثم جلس على مقعده يصلي صلاة أستخاره وبعد إنتهاء الصلاة وهو جالس على المقعد ذهب في النوم بغير قصد حتى رأى في المنام زوجته وفاء جاءت وأخذت يديه وفتحت الخازنة وأخذت الصندوق المليئ بسبائك الذهب والمجوهرات المتنوعة في يديها ونزلت إلى حديقة القصر وطلبت منه حفر حفرة صغيراً وبعد أن أنتهى من حفرها وضعت بداخلها الصندوق وكان يقف سليم بعيداً ينظر إليهم وهو في حالة الطبيعية دون عمى وطلبت منه ردمها مرة أخرى ثم قالت له « هذا خير له .. » هذا خير له .

أستيقظ من حلمه على صوت رعد وأضاءة البرق التي

تملاً الغرفة وأصوات الامطار الغزيرة ولكن كل هذا لم يمنع من تكرار آخر كلمه صمعهها في منامه وهي « هذا خير له »

قام من مكانه ثم مديديه داخل الخازنة وأخذ الصندوق النحاسي في يديه ووضع بداخله ورقة وترك الغرفة أذهب إلى غرفة سليم وفتح بابها ثم دخل عليه وهو نائم على فراشه وقام بأستيقاظه .. وعندما أستيقظ تحدث سليم متعجباً :

مين ! أنت بابا !!

فرد أبيه قائلاً :

اه يا حبيبي أنا أقوم من نومك ..

فقال سليم :

أستيتك كثير جنب قوضتك علشان أطمئن عليك بس أتأخرت عليا ومردتش أصحيك بس كنت حاسس أنك أول ما هتصحى هتجيلي .

فرد عليه أبيه :

سامع يا سليم صوت الرعد والمطره أحاجة جميلة جداً يلا تيجي تشاركني الاحساس ده وننزل نتمشى في الجنية شوية !

فرد متعجبا :

بس أنت عيان والدكتور قال لازم ترتاح وأخاف تنزل
تعب تاني .

فقال له :

متخفش يا حبيبي أنا كويس يلا بينا .

نزل سليم مع أبيه إلى حديقة القصر كانت الامطار غزيرة
وصوت الرعد كان مخيف أتجه سليم مع أبيه خلف القصر
ثم أمسك بفأس في يديه والعلبة النحاسية تحت زراعة
واليد الآخر تمسك يد سليم ، وصلوا إلى شجرة توت
كبيرة مزوعه بجانب سور الحديقة أترك أبيه يده وقال
له :

أقف هنا وأدعي ربنا يا سليم ده وقت أستجابة .

ثم قام بعد أربعة خطوات بقدمه ثم وقف عند الخطوه
الرابعة ونظر يمينا ويسارا حتى لا يراه أحد ثم قام بحفر
حفرة ليست بكبيرة ولا صغيرة كما رأى في المنام ثم وضع
بها الصندوق النحاسي وقام بردمها مرة أخرى وأخذ ينبش
بيديه حتى لا تلفت أنظار أحد ثم وقف قليلا ولكن أثر
قطرات المطر قد ساوتها بالارض ثم أخذ بيد سليم وقال
له :

يلا بينا ندخل القصر .

فرد عليه سليم :

هو لما سييت أيدي عملت أيه يا بابا ؟

للاسف مش هقدر أجابك على السؤال ده هيا حاجة غريبة بس أكيد ربنا ليه حكمه في كده أبس الي حصل النهاردة ده يا سليم أوعى تقوله لحد أننا نزلنا نتمشى في الجنينة في الوقت ده .. أوعدني بكده !!
أوعدك ..

دخل سليم مع أبيه القصر مرة أخرى وأخذ به أبيه إلى غرفته وقام بتغيير ملابسه المبتله من أثر الامطار والبسه ملابس جديدة ووضعها على السرير حتى ينام ..

بعد مرور عدة أيام أستيقظ جميع من في القصر في الصباح الباكر الجميع مشغول في عمله داخل القصر وأخذ محمد القاضي كلاً من سليم وخالد بسيارته الجديدة التي قام بشرائها بعد الحادث بعدة أيام وهى من نوع « تويوتا كورولا » ذات اللون الاحمر إلى المدرسة التي أخبر سليم بها حتى يستكمل تعليمه كما وعد أبيه أخذهم الحديث عن المدرسة وكيفيه التعليم فيها !

فقال سليم :

أزاي هكمل تعليمي وانا مش شايف ؟

فرد أبيه :

« في طريقه أكتشفها عالم كبير وسماها على أسمه برايل »
طريقه برايل « هتتعلمها وبكده تقدر تقراء وتعمل كل
حاجة وفي طرق تانية كتير هنعرفها في المدرسة .

وصلوا بالسيارة إلى المدرسة ونزل كل منهم من السيارة
ودخلوا المدرسة وأتجهوا إلى المبنى الإداري الخاص بالمدرسة
وقبل صعود المبنى قابله موظف يرتدي بدله زرقاء اللون
فساله محمد القاضي عن مكتب مدام نور فرد عليه بأن
يصعد إلى الدور الثاني أول حجره يمينا .. فصعد كما
أخبره وطرق باب الغرفة حتى أذن لهم بالدخول فدخلوا
، وسلم محمد القاضي على مدام نور التي كانت جالسه
على مكتبها مرتدياً عبائه سوداء اللون أخبرها عن قصه
سليم وما حدث له وتضامنت معه وأخذت توجه له عدة
أسئلة لتختبر قدرات عقله ولكن كان يرد عليها سليم
بمنتهى الذكاء أثم أخذته من يديه وأتجهت به إلى غرفة
أخرى ليستكمل بعض الاختبارات ولكن نجح فيها جميعاً
الامر الذي أعجب جميع الحاضرين وبعدها قامت المدرسة
بالرد بجواب رسمي بقبول سليم في التعلم داخل المدرسة
أو أستمروا في إجراءات باقي الأشياء المطلوبة منه لتقديم
خلال في نفس المدرسة ليكون بجانب سليم .

بعد الانتهاء من جميع الإجراءات عاد محمد القاضي إلى

القصر ومعه الطفلان وعند وصوله نزل الطفلان من السيارة ومسك كل منهم يد الآخر وذهبوا للعب وبنزول محمد القاضي من سيارته عادته إليه نوبة مرضه التي شعر بها من قبل وأخذه عمال القصر مرة أخرى إلى غرفته ليستريح ويطلب أحدهم الطبيب حتى يحضر إليه مسرعاً .

ثلاث أيام تمر على محمد القاضي وهو على فراشه يشهد المرض عليه يوماً بعد يوم وفي صباح يوم جديد طلب أحضار جميع من في القصر حوله ليتحدث معهم وعندما حدث ذلك وكان سليم بجانبه على فراشه قال لهم :

« من كام يوم شوفت في المنام حلم مش مهم تفاصيله المهم الحلم ده كانت رسالة من ربنا أن أيامي في الدنيا بقيت معدودة وبالفعل من ساعتها وأنا كل يوم المرض بيزيد عليا أكثر من اليوم إلى قبله أدلوقتي أنا وسطيكم ومحدث عارف كمان شوية هبقى فين ! بس في اللحظة اللي مش هبقى موجود وسطيكم أوصيكم بسليم أنا عارف أنها مسؤولية كبيرة عليكم بس متأكد أنكم هتنفذوا الوصية وهتبقوا قدها أهتفضلوا عايشين هنا في القصر معاه وخيره هيرسي عليكم أنتوا كمان أده إلى كنت محتاج اقولهولكم من زمان ومش هرتاح غير لما تردو عليا وتوعدوني أنكم هتحافظوا على الوصية .. خليك في ظهره العمر كله » .

رد الجميع والحزن ظاهر عليهم بصوت واحد :

« وعد يا بيه سليم أبنا »

نظر محمد القاضي إلى سليمان وقال له :

وأنت كمان يا سليمان متنساس اللي وعدتني بيه !

رد سليمان : في عينا يا محمد بيه .

أبتسم محمد القاضي وعلامات الرضا تملأ وجهه ثم طلب منهم أن يتركوه بمفرده مع سليم أخرج الجميع ولم يتبقى إلا سليم يجلس بجانب أبيه أخذهم الحديث عدة دقائق وبعدها طلب من سليم الخروج هو الآخر من الغرفة .

الجميع يجلس خارج غرفة محمد القاضي الطبيب يدخل ويخرج من حين لآخر ولكن لا جديد أما عمال القصر فكانوا حزينين جميعاً ويترقبون اللحظة التي يفارقهم فيها محمد القاضي وبعد مرور ساعات دخل سليمان الغرفة ليطمئن عليه وخرج مسرعاً يخبر الجميع قائلاً :

« محمد بيه الله يرحمه » .

جلس عم سليمان على الارض من شدة حزنه على وفاته يغطي وجهه يديه حتى لا يرى دموعه أحد وأخذت تبكي السيدة زينة بصوت عالي على فراقه وباقي عمال القصر أما سليم حاول ان يتناسك ولكن لم يستطيع أحد مقاومة الدموع في هذه المواقف .

« مات محمد القاضي وترك أبنه الكفيف لناس ليسوا من
دمه »

ومن هذه اللحظة بدأت الحياة الجادة والصعبة لدى سليم
!!

تم دفن محمد القاضي مع زوجته وفاء كما أوصى قبل موته
أوقف سليم مرتدياً بدله سوداء اللون على رأس العزاء
لإستقبال من حضر الدفن وبقية عمال القصر تقف بجانبه
ليشكروا الحضور على سعيهم للعزاء أكان يقف بعيداً
شابان في بداية العشرينات من عمرهم واحد منهم يدعى
« مروان » كان يتحدث مع صديقه الواقف بجانبه قائلاً :

أهو الطفل الصغير ده اللي مش يشوف هيورث ملاين
من أبوه لا وقصر كمان لو عشنا نشتغل حياتنا كلها ليل
ونهار مش هنقدر نعيش في نص مساحته بس يلا دنيا ..
فرد عليه صديقه :

متهيالي يبقى قريبك صح ؟

فقال :

اه من الام بس قرابه بعيدة ومن سنين مفيش أي تواصل
بينا حتى قبل ما أمه تموت بس شكل الفترة الجاية هيبقى
فيه .

« هكذا نحن كبشر ننظر إلى نعمة واحده أعطاها الله لشخص وننسى ما العقبات والظروف التي حرم منها في سبيل هذه النعمة »

بعد أنتهاء واجب العزاء ورحل الجميع ذهب سليم وبقية العمال لقراءة الفاتحة وأبعدها أخبره سليمان بالذهاب إلى القصر لان المحامي في أنتظارنا ليقراء لنا وصيه المرحوم !

عاد سليم ومن معه إلى القصر وعند وصوله تقابل مع حمادى أبيه والذي طلب منه أحضار جميع من فى القصر ليقراء لهم الوصيه أخرج المحامي ظرف من إحدى جيوب بدلتة وفتحها وأخذ يقرأ ما فيها بصوت عالي قائلاً :

« السلام عليكم ورحمة الله وبركاته عندما يقرأ لكم هذه الوصيلة أعلموا أنني لم أعد موجود بينكم أذكروني دائماً بالحسن وأن أخطاءت في حق أحد فليسأخني طلباً وليس أمراً وأقرأوا عليا الفاتحة أنا محمد القاضي أحدثكم وأنا في كامل قوايا العقلية جميعكم يعرف وصيتي التي أخبرتكم بها وعاهدتكم وعاهدتوني عليها « سليم » أبعد الحادث الي حصل أنا وأسرتي وفقدت أغلى أشياء أمتلكها وفترة وجودي في المستشفى خسرت جزء كبير من أموالى في السوق ولكن خسرتها بسبب أنشغالى وظروفي لكن عاد منها جزء بسيط الجزء ده تم وضعه في البنك بأسم سليم ولم أعد أمتلك شئ إلا القصر وبيت الاسكندرية فقط لا

غير ... الواصي على أبنني هو سليمان محمد نور الدين
وشهرته سليمان السوداني وده تفسير طلبي منك يا سليمان
لما أديتك الجنسية المصرية أسأحنني على المهمة الصعبة الى
وكلتك بيها وهذا لا يعني أني لا أثق في باقي العمال ولكن
أنت الاقدم في القصر وأسباب تانية كنت أقولها لك دايمًا .

والسلام عليكم ورحمة الله وبركاته
محمد القاضي

أغلق المحامي الورقة ووضعها في الظرف وقال متعجبا :

مش عارف ليه محمد عمل كده حاجة غريبة أبس أنا بشق
دايمًا فيه وفي طريقة تفكيره وأكد هو شايف حاجة أحنا
مش شايفنها أعمومًا أنت يا سليمان تعدي عليا في المكتب
في إجراءات وورق لازم تخلصهم بخصوص الوصية الله
يرحمك يا محمد .

ثم نظر إلى سليم وقال له :

والدك كان صديقي ولو أحتاجت حاجة في أي وقت أنا
موجود وفي الخدمة .

أنظفء نور القصر بعد وفاه صاحبه ولم يعد كما كان قديمًا
، جمع سكان المنطقة كانوا حزينين كلما نظروا إلى القصر
وراوه بهذا الشكل أومع مرور الوقت أطلقوا على القصر
أسم « قصر الكفيف » ..

تمر الايام يوماً بعد يوم يتابعها شهور الأمر ليس بجيد داخل القصر وفي حياة سليم أتطور عقل سليم رغم صغر سنه لأن الدنيا بدأت الدرس له مبكراً وأصبح طفلاً بعقل شاب كبير أهتم بدراسته في المدرسة التي التحق بها وكان متفوقاً رغم ظروفه أكان يستطيع حفظ صفحات وفهمها بمجرد أن يقرأها أحد أمامه .

تمر سنين سنه يلحقها سنه وكلما حضر إليه أهل والدته لينوا معه علاقة جديدة كان يرفض وكان يجبرم دائماً :

« من لم يدخل قصر محمد القاضي وهو حي يرزق لن يدخله وهو تحت التراب »

لانه يعرف من حكايات عم سليمان له مدي طمع بعض أقاربه له أوالذين يأتون إليه في القصر من الفرع الطماع الذي يريدون الايستفاده منه ومن أموال أبيه وظروفه أكان أمر وصية أبيه جعلهم في حالة من الغضب كيف لأب عاقل أن يجعل الواصي على أبنه شخص ليس من لحمه ولا دمه ولا بلده أيضاً !!

الفصل الرابع

تمر الأحداث والسنوات وكبر سليم وأصبح في بداية العشرينات من عمره وأصبح هو الوصي على نفسه وأمواله والتحق بكلية الاداب قسم الفلسفة وأثناء دخول الجامعة أرسل طلب لعميد كليته لجعله حالة استثنائية في الامتحانات وأن يكون جميع الامتحانات شفوية وبالفعل وافق العميد على هذا الطلب وكان يبهر جميع المحاضرين الذين يقومون بأختباره او يمتحنوه أستمر في ذلك التفوق حتى تخرج من الكلية بتقدير جيد جداً مع مرتبة الشرف وأخذ وسام الفخر من الجامعة نظراً لظروفة الصعبة .

وفي يوم من الايام أستيقظ سليم من نومة وجلس على سريريه يحرك رأسه يمينا ويساراً حتى قام واقف وأتجه إلى صورة أبيه التي كانت معلقة بشكل مائل في الحائط ليقوم بتعديلها ثم يتجه إلى شرفة حجرته يفتحها ليستنشق هواء نقى وتدخل أشعة الشمس إلى غرفته وحينها نادى بصوت عالي إلى «عم أشرف» الذي كان متواجد في حديقة القصر ليروي النباتات وأشجار الحديقة وعندما رد عليه قال له : بعد ما تخلص الي بتعمله تعالى جوه القصر عاوزك .

ثم ترك الشرفة مفتوحة وأخذ عصته الصغير الذي يمسكها دائماً في يديه وخرج من غرفته وينزل من سلام القصر ليصل إلى الصالة الكبيرة وأثناء نزوله شم رائحة

الطعام التي تحضره له الست زينة وأخذ يردد بصوت عالي قائلاً :

ريحة الملوخية تفتح النفس على الصبح أنا شامها من ساعة ما فتحت باب القوضة .

كان يوجه كلامه لست زينة والتي كانت متواجدة في صالة القصر فردت متعجبه :

بس أنا هنا في الصالة ومش شامة حاجة ؟

أتني متشميش أنا أشم ما أنتي عارفه الي فيها يا ست الكل !

ثم التفت إلى باب القصر موجهها كلامه إلى عم أشرف الذي لحق حديثهم في آخره فقال له :

وأهو عم أشرف حضر يقدر يقولك أن هو كان شامم ريحة ملخيتك الى تجنن .

فرد عليه عم أشرف :

حصل يا بيه بس أنت حسيت بدخولي أزاى !

قالها وهو يضحك أفرد عليه سليم :

بردو من ريحتك أفي ريحه ورد وخضره دخلت عليا ييقى أكيد عم أشرف وصل .

ضحك عم أشرف من حديث سليم معهم ثم قال له :
أمربي يا سليم بيه حضرتك قولتلي أنك عاوزني خير ؟
فرد :

اه عاوزك .. شكل الورد في الجنينة مش مظبط تحسه دبلان
كده أنت كبرت يا راجل ومش قادر تشتغل ولا ايه ؟
فرد عم أشرف متعجبا :

نص كلامك مظبوط يا بيه هو فعلاً الورد والزهور مش
تمام لكن أنا مكبرتش لسه أعلشان الميه كانت ضعيفه
بقالها كام يوم ويادوبك لسه جاية النهاردة وأنا من صبحيه
ربنا شغال أهو .

ربنا يقويك يا راجل يا طيب .. آمال فين خالد ؟
أثناء إلقاء سليم هذا السؤال خرج خالد من غرفته يحاول
تظبيط ملابسه ثم رد على سليم قائلاً :
خالد موجود أهو عاوز منه ايه ؟

فقال :

الراجل جابلك فلوس الإيجار ولا لسه ؟
فرد خالد :

اه جابها أمبارح بليل بس أنت كنت نايم فمردتش
أصحيح .

ثم تابع حديثه وهو يخرج الأموال من جيبه ..
أفضل أربع الف جنيه أهم ..

فرد سليم :

هات الفين منهم هيتبقى منهم كام ؟

خالد : الفين !!

برافو عليك أنزل هتلك طقم جديد بدل اللي لابسه على
جسمك بقالك فترة ده ومش عاوز تغيره !
ثم تركهم ونزل إلى حديقة القصر .

نظر كل من خالد وأمه وعم أشرف إلى بعضهم متعجبين
من كلام سليم !!

فقال خالد :

هو عرف منين ! هو الواد ده بيشف ولا ايه ؟

فرد عم أشرف :

ده بيقولي الورد دبلان هتجنن وأعرف عرف منين ؟

ضحكوا جميعاً على ذلك الموقف حتى عاد إليهم سليم

مرة أخرى وقال لهم :

اه أفكرت هتروح البنك هتسجلي ٣٠ الف جنيه علشان نروح بكره الجمعية أحنأ أتأخرنا عليهم الشهر ده ؟

فرد عليه خالد :

سهله .

هذه كانت جمعية للمكفوفين تعطي مرتب شهري للأشخاص المكفوفين نوع من أنواع المساعدة ، وكان سليم من أحد أكبر المتبرعين لهذه الجمعية ويتردد عليها باستمرار ليطمئن على أمورها وحل مشاكلها وكان يجهز مبلغ كبيراً شهرياً للتبرع لها وإذا حدث عجز يكمل هذا العجز حتى لا يتأثر أحد مادياً بهذه المشكلة .

أعطى سليم خبر أعمال القصر وهو عندما يأتي عم سليمان من سفره فليحضر إلى غرفتي ، كانت أجازة عم سليمان السنوية لم تكون طويله هذه المرة فقط عدة أيام ذهب فيها إلى بلده ليطمئن على زوجته وأولاده وبعد مرور عدة ساعات حضر سليمان إلى القصر ليسلم على أصدقائه من عمال القصر وأعطى لهم الهدايا التي يحضرها لهم من السودان وأخبره عم أشرف أن سليم في أنتظاره منذ عدة ساعات في غرفته أذهب عم سليمان إلى غرفة سليم ليسلم عليه بعد عودته إلى القصر فطرق الباب وأذن له بالدخول ، دخل عليه عم سليمان ليأخذه بالحضن ويقبل رأسه أكان

عم سليمان ذات مكانه خاصة في قلب سليم فقال له :
القصر من غيرك ملوش طعم يا عم سليمان وفي نفس
الوقت مينفعش تقصر في حق بيتك وأولادك أحمد الله على
سلامتك يا راجل يا طيب .

وفي صباح اليوم التالي جهز خالد السيارة وأخذ ينتظر
سليم للذهاب إلى جمعية المكفوفين وذهبوا إليها كان سليم
جالس على إحدى المقاعد داخل الجمعية ينتظر الدخول
إلى مديرية الجمعية ليطمئن على أحوالها وأثناء أنتظاره على
المقعد مرتدياً ملابسه الانيقة ونظارته السوداء جاءت له
أحدى موظفات الجمعية الجدد تقول له :

لو سمحت ممنوع تنتظر هنا أده غير أن الفلوس منزلتش
تقدر تمشي دلوقتي وتيجي بعد يومين !

ضحك سليم بعد حديثها له ثم صمت ولم يرد عليها
فتابعت حديثها قائلاً :

حضرتك سمعني ولا لا أبقول لحضرتك الفلوس لسه
مجتش !

خرج سليم عن صمته وقال لها وهو مبتسم :

أنا عارف أن الفلوس لسه مجتش ومتأسف على التأخير
أبس الصوت ده جديد عليا شكلك لسه موظفة جديدة
صح ؟

فردت متعجبه :

اه أنا موظفة جديدة بس أنت هنا عارف أصوات الناس
كلها ؟

أسمك ايه ؟ ... فردت

إسراء .

أهلا بيكي يا إسراء في الجمعية ويارب تبقي مبسوفة
بوجودك هنا أنا سليم محمد القاضي .

فردت متعجبة :

سليم ! أهلا أزي حضرتك أنا أسفه .. أنا فعلاً جديدة هنا
ولسه معرفش حد بس سمعت وهما بيتكلموا يقولوا أنك
جي النهاردة بس مكونتش أعرف أنك كفيف .

ضحك سليم ثم أخرج ظرف من جيبه بداخله المبلغ
المتبرع به وأعطاه لها في يديها وقال :

دي حصتك الشهرية تقدري تدخليها الخازنة وأنا هروح
أسلم على الأستاذة سماح .

أما خالد فكان ينتظر سليم أسفل بجانب السيارة أترك
سليم تلك الفتاة وذهب إلى غرفة أستاذة سماح وطرق على
بابها ودخل عليها ليتحدث معها في أمور الجمعية أكان أول
لقاء يجمع سليم بإسراء ولذلك كانت إسراء متعجبه من

تصرفاته كيف لكفيف أن يتنقل داخل هذه الجمعية بمفرده دون مساعدة أحد ويعرف أصوات جميع موظفي الجمعية ثم دخلت الخزانة لتضع بداخلها الاموال وخرجت مسرعه لتقابلته مرة أخرى وأثناء خروجه من غرفة الاستاذة سماح وأثناء أنتظارها قاطع تركيزها عم محمد الذي يعمل مقدم مشروبات ساخنه داخل الجمعية والذي قال لها :

طبعاً حضرتك يا أستاذة مستغربه من تصرفات سليم بيه صح ؟

فردت متعجبه :

وأنت تعرفه يا عم محمد ؟

مفيش حد هنا ميعرفش سليم بيه ، أنا كنت زيك كده لما شوفته أول مرة أنسان غريب وكل ما تتعرفي عليه أكثر هتستغرييله أكثر أربنا واخذ منه نعمه البصر بس نعمه البصيرة زايدة عنده عن كل الناس المكفوفين الي ببيجوا هنا .

أثناء حديثهم سوياً خرج سليم من الغرفة وعندما رآوه توقف حديثهم وأخذ ينظران إلى سليم وهو يسير بجانبهم وعندما أقرب منهم تحدث قائلاً :

أزيك يا عم محمد أخبرك ايه يا راجل يا طيب ؟

فرد متعجباً :

الحمد لله يا سليم ييه بخير المرة دي مسلمتش على
حضرتك عرفت أني واقف أزاي !!

من غير ما تسلم ولا تتكلم ياعم محمد ريحتك وريحه
الشاي بتاعك معبره عن وجودك .

فرد وهو مبتسماً :

ربنا يخليك يا ييه .

نظرت إليه إسرائ بدهشه وتعجب لتصرفات سليم ولكن
لم تتحدث .

تركهم سليم ثم ذهب في اتجاه الخروج من الجمعية حتى
نادت عليه فوقف والتفتى إليها أذهبت إليه إسرائ مسرعه
ووقفت بجانبه وقالت له :

محتاج مني أي مساعده ؟

فرد عليها وهو يضحك :

أنتي اللى جديدة هنا لو محتاجه مساعده انا اللى ممكن
أساعدك !

فقالت :

خلاص بلاش مساعده تسمحلي أتمشى مع حضرتك لحد
تحت ؟

اه طبعاً أتفضلي .

أثناء سيرهم معا تحدثت معه قائلة :

أنا سمعت كلام عن حضرتك كثير هنا من ساعة ما
أشتغلت وكنت مستغربه عن كمية الوقت اللي بييجيوا في
سيرتك فيه بس لما شوفتك بجد أتأكدت أن كلامهم مش
مبالغة .

فرد عليها :

انا باجي هنا من وانا عندي ١٦ سنة يعني من سنين
طويله الناس اللي في الجمعية بقوا عشرة طويله وكل شبر
في الجمعية أنا عارفه وحافظه زي ما أنتي شوفتي بظبط .
أنا إسرائ أخصائية علم نفس ومبسوطة أني أتعرفت عليك .

فرد عليها مبتسماً :

وأنا سليم محمد القاضي خريج أداب فلسفة جامعة القاهرة
تشرفت بيكي .

نظرت إسرائ بتعجب هو حضرتك متعلم وخريج أداب
فلسفة كمان أمش أقولك أيه بجد أنا منبهره
بحضرتك جداً والله !

فرد عليها :

مستغربه إني خريج أداب فلسفه آيا ستي أنا متولدتش
أعمى أنا حصلي كده في حادثة وكان عمري سبع سنين
بس كنت شاطر في التعليم حتى بعد الحادثة والدي قرر
يخليني أكمل تعلم والحمد لله حققت حلمه .. أنا أسف
هضطر أمشي دلوقتي خالد أكيد شافني وهيجيلي دلوقتي
ياخدني بالعريية بس أنا جي بكره ممكن نكمل كلامنا .
فقال :

أنا أجازتي بكره بس هاجي لحضرتك بخصوص علشان
أشوفك ولازم نكمل كلامنا .

أقرب إليه خالد بالسيارة ونادى عليه ونزل ليأخذ بيديه
إلى داخل السيارة وذهب به أما إسرائ ظلت واقفه في
مكانها رافعه أحدى حاجبيها تعجباً بشخصية سليم التي
لفتت أنبأها !!

كانت إسرائ فتاة جميلة تعيش مع عائلتها في حلوان كانت
حسنه المظهر بيضاء البشرة ، عينيها بني يقترب من اللون
الذهبي وشعرها بني اللون أيضا ، ذات الجسد متوسط
الحجم ومتناسق .

* * *

يتحدث خالد مع سليم وهم بالسيارة قائلا :
هنروح القصر ولا هنروح فين ؟

فرد سليم :

أطلع على المقابر نقراء الفاتحة على والدي وولدي من زمان مرحلتلهمش .

ثم يضع سليم يديه على كتف خالد يحس ملابسه وقال له :

مبروك اللبس الجديد .

فرد عليه ضاحكاً :

الله يبارك فيك يا سليم بيه بس معلش سؤال صغير بس هو أنت عرفت حوار اللبس منين ؟

ضحك سليم من كلا خالد ثم صمت قليلاً وقال « أحساس »

* * *

ذهبت إسراء للقاء صديقتها ألاء في إحدى الكافيهات وهن جالسات أخذهن الحديث عن سليم القاضي وأخذت تتحدث إسراء عنه وعن طريقته وكيف لشخص كفيف أن يفعل ما يفعله سليم .. فردت الاء :

ما يمكن مش أعمى أبيشوف على بسيط حتى !

لا أعمى أنا متأكده من كده لكن تصرفاته وكلامه مخيليني

عمال أفكر فيه من ساعة ما شوفته .

فردت صديقتها :

ايه هتعجبي بيه ؟

فقلت :

لا مش أعجاب اللى فى دماغك طبعاً أبس ممكن تصرفاته
وشخصيته وأنتي عارفه أنا الماجستير بتاعي عن علم
النفس للشخص الكفيف وأكد كلامي معاه هيفيدني في
الرسالة وخاصة أنه متعلم ومثقف يعني أكيد دي حاجة
كويسه .

فردت :

طب كويس أهى دي فرصة كويسة أنك تتعرفي عليه
وتقوليله أن الماجستير بتاعي عن كذا كذا وهو ..

قاطعت إسراء حديثها قائلة :

لا طبعاً مينفعش أنا عاوزه أعرفه على طبيعته أعتقد لو
قولتله حاجة زي كده هيمل مني ويعتبر معرفتي بيه
مصلحة .

طب ناويه تعملي ايه !!

مش عارفة بس هطلب منه نبقى أصحاب ونتكلم وكده

يعني وهو أكيد مش هيمانع أهو قالي أنه جي الجمعية
بكره وهرحله مخصوص علشان أشوفه وأتكلم معاه .

* * *

وصل سليم وخالد إلى القصر بعد عودتهم من زيارة المقابر
وعندما توقفت السيارة ونزل سليم من الباب المجاور له
وقام بالسير في اتجاه بوابة القصر ثم وقف ونادى على
خالد قائلاً :

وراك ايه دلوقتي او هتعمل ايه ؟

فرد خالد :

هروح أقابل واحد صحبي وهقعد معاه شوية لو أحتاجتني
كلمني العربية معايا ماشي .

فرد سليم :

ماشي .. ثم دخل القصر .

أخذ خالد السيارة وذهب لمقابله أحد أصدقائه كما أخبر
سليم أقام بوضع السيارة على جانب الطريق ونزل منها
ثم جلس على إحدى مقاهي وسط البلد بجانب صديقه
مروان !! ذلك الراحل الذي كان شاباً أثناء عزاء محمد
القاضي والذي كان يتحدث عن سليم أثناء العزاء أخذ
كل منهم يشرب كوب الشاي الخاص به حتى نطق مروان

قائلاً: أخبار سليم الاعمى ايه !!

فرد خالد :

عاوز ايه من زفت ! أهوزي ما هو هيعمل ايه يعني
فلوسه كلها رايح على الجمعيات وكلام فاضي .

فقال : النعمة بتيجي للى مش محتاجها يا صحبي بقى
قصر حلوزي ده يعيش فيه واحد أعمى مش حاسس بيه
ولا مقدر النعمة الي هو فيها .. دنيا !!

نظر إليه خالد من طرف عينه نظره مليئه باليأس وقال
له :

أسكت يا مروان أنا فيا الي مكفيني مش ناقصك !

فتابع مروان حديثه قائلاً :

أنا لو مكانك او شغال معاه هطلع بمصالح جامدة حاجة
كده تفريح وبعدين أمن نفسي ودي مش حاجة صعبه
ياعني ما أنت عارف ظروفه ده مبيشوفش يا أبني يعني
مش هيعرف أي حاجة !

فرد خالد :

يعني أعمل ايه ؟

فقال :

يا أبني شغل دماغك أنت الى جوة القصر وأكيد عارف
وفاهم الدنيا الراجل ده لو مشاك دلوقتي تقدر تقولي
هتعمل ايه في حياتك أبيقى لازم تأمن نفسك علشان
اللحظة دي وياعم ولا مين شاف ولا مين دري !

فرد :

يمشي مين ياعم ده أنا اللي بخلصه كل مصاحه .

فقال :

ياعم بلاش مشاك .. مات مثلاً هتعمله ايه ! هتمشوا
كلكم من القصر وتطلعوا من المولد بلا حمص لازم تأمن
مستقبلك سليم ده يملك ملايين ومش محتاجها أنت الي
محتكش حاجة .

سمع خالد كلام مروان ولم يرد عليه وصمت ثم قام من
جانبه وقال له :

أنت شيطان ياعم ولا ايه !

تركه خالد وركب السيارة ليعود إلى القصر وأثناء سيره
في الطريق كان يفكر في كلام مروان وظل كلامه يتردد
في عقله « هتعمل ايه لو مشاك من القصر او مات »
لازم تعمل حساب اللحظة الي هتخرج فيها من القصر
« أتلك الجملتان اللتان يترددان في عقله وهو في الطريق
حتى وصل إلى القصر وهو بحالة ليست جيده فلم يلقي

السلام على عم سليمان وعمران او حتى تحدث معها
كعادته ودخل القصر وذهب إلى غرفته .

وفي صباح اليوم التالي طرق سليم على غرفة خالد
لأستيقاظه وليأخذه مرة أخرى إلى الجمعية كما ذهبوا
بالامس وأثناء ذهابهم في الطريق لم يتحدث أحد منهم مع
الآخر وعندما وصلوا إلى الجمعية سأله خالد :

هو أحنأ مش كنا هنا أمبارح ؟ وبعدين الفلوس اللي
بتدفعها هنا كثيره وأنت أولى بالفلوس دي !

صمت سليم قليلا ثم التفت إلى خالد وملاحه تبدو عليها
الغضب من كلامه وقال له :

آخر مرة تتكلم معايا في الموضوع ده علشان مزعلش منك
يا خالد .. مفهوم !

ثم فتح باب السيارة وأتجه إلى بوابة الجمعية وصعد
درجات السلم وصعد إلى الطابق الاول وذهب إلى غرفة
الاستاذة سماح مرة أخرى ليعطى لها بعض الاموال التي
كانت عجزاً في الجمعية هذا الشهر فشكرته كثيراً لما يفعله
من أجل هذه الجمعية وأثناء خروجه من الغرفة قابلته
إسراء مسرعه وهيا تأخذ أنفاسها سريعاً يبدو أنها بذلت
مجهود كبير قبل لقائه وهذا دليل أنها جاءت مسرعه إلى
الجمعية حتى تقابله ثم القت عليه السلام أفرد عليها :

وعليكم السلام أزيك يا إسراء .

فقالت :

ايه ده حفظت صوتي بسرعه ؟

كانت ملامح وجهها مبتسمه يبدو عليها السعادة .

وحد ينسى الصوت الجميل ده .

ضحكت إسراء من كلام سليم لها وقالت :

ممكن أطلب منك طلب

أفضلي ..

ممكن أعزمك على حاجة نشرها ونتكلم شوية ؟

رد سليم عليها بالموافقة وخرج معها فأخذه في سيارتها
أُتصل سليم على خالد وأخبره أن يعود هو إلى القصر
وإسراء ستتولي مهمه توصيله إلى القصر بعد لقاءهم أخذته
إلى مكان هادئ على النيل وجلسوا سوياً وأخذت تتحدث
معه قائلة :

أنا أسف أتعرفت عليك أمبارح وطلبت أخرج معاك
النهاردة أمش شايف أن دي حاجة غريبة !

فرد عليها :

ده معناه حاجة من الاثنين مش هقتنع بأي سبب تالت .. السبب الاول ممكن يبقى أعجاب والسبب الثاني إنك محتاجة مني حاجة أو طبعاً السبب الاول صعب أعتقد خروجننا مع بعض علشان السبب الثاني !

أتسعت حدقة أعيون إسراء بعد حديثه معها وظلت صامته في حالة دهشه حتى ردت وهيا مضطربة قائله :

مكونتش أعرف أنك بالذكاء ده ، بس هو لازم أبقي محتاجه حاجة علشان أعرف عليك !

فرد سليم :

اه لازم ..

كل شخص بتتعرف عليه او بيدخل حياتنا بنبقى محتاجينه لسبب معين أبحتاج القرايب علشان سندلنا ، وبحتاج الصحاب علشان ييقوا في ظهرنا ونضيع معاهم وقت ونشغل بيهم حياتنا ، بتتعرف على ناس علشان محتاجينهم في شغل او مصالح معينة ، حتى الي بنحبهم بنحتاجهم علشان أشباع الرغبة في الجنس الآخر ونحس بوجونا ونجمل حياتنا ودي حاجة مش وحشه بالعكس هيا الدنيا كده .. أحتاج .. ولما أحساس الاحتياج ده بيروح العلاقات بتبوظ أياً كان نوع العلاقة .

فردت إسراء وهي متأثره من حديثه :

عندك حق أنا كده صدقت أنك خريج أداب فلسفة أنا
هدخل معاك في الموضوع علطول أنا زي ما قولتلك خريج
تربية قسم علم نفس وبحضر ماجستير والرسالة بتاعتي
عن علم النفس للشخص الكفيف وأكد أنا محتاجة
لشخص زيك يساعدني وبذات حد متعلم ومثقف زيك
أكد دي حاجة كويسه وهستفاد بحاجات كتير وغير كده
أنت مختلف عن أي حد كفيف أنا شوفته او قابلته في حياتي
فرد سليم :

وأنا موافق وتحت أمرك .

فرحت إسراء وأطمئن قلبها بعد موافقه سليم مساعدتها
أخذهم الحديث سوياً لوقت طويل أخذ يتحدث كل منهم
عن نفسه للأخر وفي نهاية حديثهم أخرج سليم الكارت
الشخصي الخاص به وأعطاه لها وقال :

ده الكارت بتاعي عليه كل أرقامى وعنوان القصر الى
كده كده هتعرفيه لما توصليني دلوقتي تقدرى تنوريني او
تكلميني في أي وقت .

أخذته إسراء بسيارتها لتوصيل سليم إلى قصره وعندما
أقرب من القصر تحدثت إليه قائلة :

طب أنا أتعرفت عليك لسبب أحناء عرفناه خلاص ممكن
بقي تقولي أنت أتعرفت عليا ليه !

فرد عليها : ما قولتك أحتاج

فقلت متعجبه : وايه اللي محتاجه مني ؟

فرد : محتاج الاحساس الي حسيته معاكي من ساعة ما قبلتك أول مرة .

فتح سليم باب السيارة بعد أن أخبرته بانها وصلت إلى القصر ثم نزل من سيارتها أما إسراء فكانت سعيدة بالوقت التي قضته مع سليم وأبتسامه صغيره تملأ تفاصيل وجهها وأخذت تتابع وتنظر إليه حتى فتح باب القصر وأتجه داخل القصر وبعدها أنطلقت بسيارتها لتعود إلى منزلها أوبعدها أخرجت تليفونها الخاص وقامت بالاتصال بصديقتها الاء لتحكي لها ما حدث لها اليوم مع سليم وتخبرها بسعادتها لقبوله مساعدتها في رسالة الماجيستر .

دخل سليم القصر ونفسيته عالية في السماء وذهب إلى عم سليمان ليشاركه ذلك اللحظة وعندما جلس بجانبه طلب منه أحضار كوب من الشاي وأثناء تناوله الكوب قال له عم سليمان :

شايفك سعيد النهاردة يا سليم بيه غير كل يوم !

فرد عليه :

عندك حق .. بس قولي يا عم سليمان يعني ايه سعادة ؟

شعور بالاطمئنان مع بعض الشعور بالرضى الداخلي ولحظات جميلة في وجود الناس الي بنحبهم حولينا لازم كلهم يبقى متجمعين لو عنصر واحد بس نقص تبقى السعادة مش كامله او ميتحققش الاحساس بيها أصلاً .

فرد عليه سليم :

عندك حق يا عم سليمان .. وهو ده الأحساس الي حاسه دلوقتي والي أول مرة أحسه في حياتي كمان .

ومن هنا بدأت تظهر علامات الاعجاب من سليم تجاه إسرائ ولكن ظل متماسك لم يظهر لها ذلك أما هي فهل تبادلته نفس الاحساس ام علاقتها به مجرد مساعدته !

ثلاثة أيام تمر على خالد وهو ليس في حالته الطبيعية يجلس وحيداً دائماً تغير أسلوبه مع جميع عمال القصر وسليم أيضاً ولكن لم يظهر ذلك في الحديث معه .

الفصل الخامس

وفي يوم من الايام أستيقظ سليم على صوت تليفونه فرد عليه ففوجئ بصوت إسراء تتحدث معه قائله :

صباح الخير .. أنا أسفه لو صحتك من النوم بس أنا كنت محتاجه أتكلم معاك شوية لو حبيب ، محتاج أعرف منك بعض الملعومات ؟

فرد عليها فرحاً :

اه طبعاً أتفضلي .. هستناكي في القصر كمان ساعة كده .

أغلق سليم مكالمته معها الأمر الذي جعله مبتسماً وفي حالة جيده في الصباح أستيقظ من سريره وقام بتغيير ملابسه وخرج من الغرفة وأثناء نزوله من سلالم القصر نادى على خالد ليجهز له مقعداً جيد في حديقة القصر لأستقبالها .

فرد عليه خالد :

سهله .

تناول سليم وجبة الفطار ثم شرب كوب الشاي المعتاد عليه يومياً من يد الست زينة ثم خرج إلى حديقة القصر جالساً على إحدى المقاعد لأستقبال إسراء أو عند حضورها ودخلها القصر أستقبلها خالد بأسلوبه الغريب الذى أعتاد عليه منذ عدة أيام وكانت إسراء متعجبه من ذلك

الأستقبال حتى أخذها حيث يجلس سليم في حديقة القصر
أدخلت إسرائ لتسلم على سليم بيديها ثم جلست على
مقعد بجانبه وقالت له :

انا أسفه لو صحيتك بدري !

فرد عليها :

لا عادي أنا متعود على كده بصحى بدري .. مبسوط
بزيارتك للقصر أايه رايك فيه ؟

فردت وهى تنظر حولها وتشاهد جمال القصر :

جميل جداً ما شاء الله .. بس هو ماله خالد طريقته
معجبتيش .. هو في حاجة ؟

فقال :

لا مش عارف بقاله كام يوم مش مضبوط ومش عاجبني
بس هو يفتكر أني مش حاسس بيه بس أنا عارف انه
مضايق بقاله كام يوم !

فقالت له متعجبه :

عرفت منين بقى انه زعلان او مضايق ؟

فرد :

العيون مش هي بس اللي بتشوف القلب كمان يشوف

ونظرة القلب أحسن من نظرة العين علشان بتشوف
القلوب علطول ومليانه أحساس ومش بتتخدع بالشكل
ولا المظهر .

فقالت :

كلامك مضبوط .. سليم معلش سؤال محتاجه أعرف
أجابته منك ؟

ايه الاحساس العام الي بيحسه الشخص الكفيف او
الاعمى ؟

صمت سليم قليلاً حتى قام من مقعده ثم خلع عتمه
العالقة على عنقه وطلب منها أن تقف أمامه وبعدها مسك
عتمه ولمس رأسها وقام بربط العمه على رأسها ليغطي
عينها وأدارها للخلف وسألها عن شعورها ! .. فأجابت :

ضلمة !

ثم طلب منها أن تمشي عدة خطوات أفرغت يديها أمامها
ومشت خطوات قليلة ووقفت .. فسألها :

وقفتي ليه ؟

خايفه !

فأعطاه العصا التي يمسكها بيديه دائماً وطلب منها أن
تمشي مرة أخرى .. فمشت عدة خطوات كثيره عما قبل

فطلب منها أن تقف فأخذ منها العصا وأمسك بيديها
وطلب منها أن تمشي مرة ثالثة فمشت إسرائاً هي ماسكه
بيديه ولكن في هذه المرة ظلت تمشي دون أي مشكله وحينها
سألها سليم قائلاً :

حسيتي بأيه غير الظلمة لما مشيتي لوحده ؟

بالخوف !

فسألها :

ولما مسكتي العصايا ؟

حسيت بالامان شوية ومعودتش خايفه زي الاول .

فسألها مرة أخرى :

ولما مسكتي أيدي ؟

حسيت بالأمان أكثر وحسيت إنني أقدر أعيش كثير بالوضع
ده .

فقال لها :

تمام نرجع لمشكله الضلمه .. حسيتي بأيه لما أتكملنا وأحنا
ماشيين مع بعض .

نسيتها ومركزتش فيها !

فقال :

بظبط هيا دي حياتنا .

الأمان .. في الأول كنتي خايفه زي ما قولتي علشان مفيش
أمان وبعدين لما مسكتي العصا حسيتي بالأمان شوية ولما
مسكت أيدك مخوفتيش وحسيتي بالأمان أكثر هي حياتنا
كده صديقني لو وصلتي لدرجة الامان الي تظمنك مش
هتفرق معاكي إذا كنتي بتشوفي او مبتشوفيش ودرجات
الأمان بتختلف من شخص لشخص أنا قمة الأمان
عندي وأنا ماسك العصايا دي مش محتاج لحديمسك
أيدي أوالدي معودنيش على كده من بداية ما حصلتلي
المشكلة دي أو بالنسبة لضلمة .. أحساس أن في حد جنبك
وبتتكلم معاه وعقلك مشغول صديقني مش هتحمسي بيها
وأنتي جربتني كده بنفسك !

فقالت :

عندك حق .. ايه أكثر وقت بتحس فيه أنك نفسك تكون
بتشوف ؟

لا كده الاسئلة كترت !

فضحكت إسراء بصوت عالي من كلامه .. فقاطع سليم
ضحكتها قائلاً :

هيا اللحظة دي علشان أشوف ضحكك الي مفيش

أحساس او وصف يقدر يوصفها او يوصل ليها ..

ومن هذا اللحظة ظهرت علامات الحب والاعجاب
لدي سليم وإسراء أخذهم الحديث طويلاً وفي نهايته وقبل
مغادرتها القصر وجهت سؤال أخير وهو !

أنت بتتعامل أزاى مع حد وأنت مش عارف شكل او
مواصفات الحد اللى قدامك ؟

لا بعرف .. ومين قالك أنى معرفش !

تعجبت من رد سليم وسالته :

يعنى أنت ممكن تبقى عارف شكلي أطب أو صفلي أنت
شايفني أزاى ؟

فصمت سليم قليلاً حتى خرج من صمته قائلاً :

حلو .. لطويله ولا قصيره أبشرتك بيضاء صافية ، عيونك
لونها بنى ذهبي وشعرك بنى .. عاوزه تعرفي ايه تاني !!

صمتت إسراء وكانت في حالة صدمة شديدة .. كيف عرف
ذلك التفاصيل وهو أعمى لا يري ! أقررت إسراء أن ترحل
سريعاً بحجة تأخرها على والديها ورحلت ولكن تشبيهات
سليم التي لم تخطأ في شئ كانت تتردد في أذنها وهي راحله
عن القصر ومرت بجانب عم سليمان وعمران دون أن
تلقى عليهم السلام من شدة تعجبها !

أقرب عم سليمان من سليم يتحدث معه قائلاً :

مين البنت الحلوة اللي كانت قاعده معاك دي يا سليم بيه ؟

فرد ضاحكاً :

دي واحدة موظفة جديدة في الجمعية يا عم سليمان أتعرفت عليها .

فقال له :

يبقى أكيد نفس الشخص اللي كنت معاه من كام يوم لما كنت مبسوط صح !

اه صح يا عم سليمان بس عرفت منين ؟

فقال له :

نفس نظرة السعادة اللي كانت على وشك يومها هيا نفسها الموجودة دلوقتي أربنا يسعد أيامك يا أبني .

دخل سليم إلى القصر وطلب من الست زينة أن تحضر غداء جماعي ليتناول الجميع الطعام على مائدته واحده سوياً وحدث ذلك بعد مرور بعض الوقت وأجتمع جميع عمال القصر على الغداء وأخذ يتحدث كل منهم مع الآخر وهما يتناولون الطعام حتى قاطعهم سليم قائلاً :

أنا عاوز كل واحد يحكي مشاكله ؟

تحدثت الست زينة قائله :

هي مش مشاكلتي بس مشكلة بنتي اللي عايشه في مشاكل
دايمًا مع جوزها في بيت العيلة وللأسف بعيدة عني ومش
بقدر أقدملها حاجة غير النصيحة والدعاء !

وتحدث عمران قائلاً :

أنا بقى يا سليم بيه بناتي التلاته لسه متجوزوش وقطر
العمر بيجري وخايف يكبروا عندي من غير جواز
ويفوتهم سنه .. ربنا يبعثلهم ولاد الحلال .

وتحدث عم أشرف :

أنا بقى أبني الكبير أخرج من كلية التجارة ولحد دلوقتي
ملقاش أي شغلانة بشهادته وفضل قاعد في البيت ولا شغل
ولا مشغله لحد ما لاقيته نزل مع واحد صنايعي يشتغل
عنده تباع لحد ما يلاقي شغل ! .

وتحدث خالد قائلاً :

أنا بقى حاسس أني عايش حياة مش بتاعتي والروتين بقى
ممل أوي .. نفسي في مفاجأة تغير حياتي او أغير جو شوية !

أما عم سليمان تحدث قائلاً :

انا بقى بعيد عن بيتي وأولادي وبلدي كمان أيوة مصر
بلدي بردو بس ناقصني ناسي الي زبي وشبهي .. حتى
ولادي بشوفهم من السنة لسنة وكل مرة برجعلهم بلاقيهم
أكبر من الي قبلها .. كان نفسي أشوفهم وهما بيكبروا قدام
عيني !.

صمت سليم قليلاً بعد سماع جميع مشاكل عمال قصره
الذي يعاملهم معاملة الاهل حتى خرج عن صمته قائلاً :
انا أقدر أشيل كل الهموم والمشاكل الي أنتوا قولتوا عليها
كلها مقابل أن ربنا كان ينعم عليا بكل نعمه وأبقى بشوف
زيكم !

فرد عليه عم سليمان :

هي الدنيا كده يا سليم بيه محدش بياخد كل حاجة وهما
أربعة وعشرين قيراط ربنا موزعهم لكل واحد .

فرد سليم :

عندك حق يا عم سليمان كل واحد ربنا بيديه أربعة
وعشرين قيراط بس في ناس بتاخدهم خضر وناس
بتاخدهم صحراء بايره ربنا ليه حكمه في كده علشان
يقيس مدى صبرنا وأنا راضي بحكمته .

بعد أنتهاء الغداء الجماعي ذهب الجميع إلى مكانه وعمله
أذهب سليم إلى غرفته وعم سليمان إلى بوابته وعمران إلى

مكانه وخالد إلى غرفته أكان خالد جالساً داخل غرفته يفكر واضعاً يديه الاثنان على وجهه حتى دخلت عليه أمه ومسكت بيديه وقالت له :

مالك يا أبني ؟

فرد عليها :

لما دخلت القصر هنا وأنا صغير كنت فرحان أوي وقولت الخلاص الدنيا هتلعب وهعيش باشا بس الي عرفته بعدين أن أعيش في شقه متر في متر تسترني وتكون ليا أحسن ما أعيش في قصر وأنا حاسس أني ضيف .

فقالت له الست زينة :

طب وهو سليم بيه قصر معانا في حاجة يا أبني ! ده بيعاملنا على أننا أهله !

فرد :

مقصدهش يا أمي بس لحد أمتى هنعيش كده أمش مستفيدين بأي حاجة في حياتنا حيا الله مرتب شهري لكل واحد فينا وبناكل وبنشرب هنا .. تقدري تقوليلي لو مشينا من القصر لأي سبب من الاسباب هنعمل ايه في حياتنا عامله حساب يوم زي ده !

فقالت :

لا مش عارفه !

فتابع حديثه :

هو ده اللي تعبني يا أم خالد أسليم بيه بيملك ملاين
بيصرف من جزء والباقي ملوش لازمة عنده ميعرفش
حاجة عنه أوأحنا لازم نأمن مستقبلنا علشان اليوم اللي
قولتلك عليه وصدقيني مش هتأثر على حياته ولا هيحس
أصلا !

فردت متعجبه :

وأزاي تفكر في حاجة زي كده !

فقال لها وهو غاضب :

خلاص يبقى متزعليش لو صحيتي في يوم من الايام
وملقتنيش جنبك .

فقالت وهي في حالة من الخوف :

أستنى أستنى .. طب ناوي تعمل ايه ؟

فقال لها :

عملية صغيرة هنعملها وهنا في القصر وهرتبها أنا أأجن
الازرق مش هيعرف مين اللي وراها هتغنينا كلنا وفي نفس
الوقت مش هتفرق حاجة مع سليم ده لو عرف او حس

أساساً أفكري في كلامي يأم خالد وأعملي حساب اليوم
الي هنخرج فيه من هنا لأي سبب .
ترك خالد أمه داخل الغرفة وأخذ سيارة سليم وذهب بها .

* * *

تحدث إسرائ مع والدتها داخل غرفتها وموضوع حديثهم
عن رسالة الماجستير وأنهاء أنتهت من جميع الامتحانات
وفي هذا الوقت تكتب رسالتها التي سوف تقوم بمناقشتها
. وتحدث عن سليم وكيف تعرفت عليه وتحدث عن
شخصيته وطريقته وأفعاله الغريبة التي لا تعرف تفسيراً لها
حتى الآن وأنها منبهره بشخصيته أو تقول لها :

سليم ده يا ماما محتاج رسالة دكتوراة مش ماجستير أنا
ببقى مبسوطه لما بتقابل ونتكلم مع بعض .

فردت أمها :

إسرائ كلامك ده يخوف أوعي تكوني بدأتي تحبيه أعلى آخر
الزمن هتحبي واحد أعمى ! أنتي أجننتي ؟

فقالت :

مش عارفه بقى أكنت خايفة أنبهاري بأفعاله وشخصيته
يتحول حب وشكل ده حصل فعلاً مش عارفه أزاى !

فردت أمها :

فوقي لنفسك ده مجرد حالة لرسالتك لازم تتعامل معاه
بحدود ومتزديش عن كده مفهوم !

صمتت إسراء بعد حديث والدتها تفكر في كلامها هل
تستطيع التحكم في مشاعرها تجاه سليم وهو يفاها كل
يوم بأشياء جديدة عن شخصيته ! وتفكر كيف أستطاع أن
يتخيل شكلها دون خطأ واحد وما سر ذلك !

ذهب خالد إلى حديقة القصر متجها إلى عم عمران ودخل
عليه وجلس بجانبه على المقعد وأعطى له سيجارة وقام
بأشغالها له وأخذ يتحدث معه قائلاً :

أخبارك يا راجل يا طيب ؟

تمام الحمد لله رضا .

أنا قولت أجي أقعد معاك شويه ندردش سوا أعاوزك في
موضوع مهم ..

ثم صمت قليلاً وتابع حديثه قائلاً :

قولى يا عم عمران أنت محوش أد ايه لجواز بناتك ؟

فرد عم عمران متعجباً من سؤاله :

يعني قرشين كده على ما قسم !

فقال له :

والقرشين دول هيكفوا بناتك التلاته ! تعمل ايه لو جالك
تلت عرسان ليهم مرة واحده !

ربك هيبعت رزقهم .. وأكيد سليم بيه هيساعدني .

فقال له :

وأنت متأكد أن سليم هيديك تمن جوار تلات بنات أما
علينا من الموضوع ده ! قولي هتعمل ايه لو مشيت من
القصر من هنا لأي سبب ؟

فرد متعجبا :

معرفش بس ليه بتقول كده !!

فقال له :

محدث عارف اليومين الجايين فيهم ايه وسليم أغير
مبقاش زي الاول وأتعرف على واحده وممكن يتجوزها
كمان وساعتها هتبقى هي صاحبة القرار الاول والاخير إذا
كنا هنمشي او هنكمل هنا في القصر .

فرد عم عمران :

فكر معايا طيب هنعمل ايه ؟

فقال له :

ضربة العمر عمليه كده هنعملها ولا من شاف ولا من دري ومحدث هيعرف ولا هياخد باله وأولهم سليم أنا من مستقبلنا ونعمل حساب اليوم الي هنمشي فيه من القصر فكر في كلامي أفكر علشان خاطر بناتك مش علشانك ورد عليا بس متعرفش حد بموضعنا ده .

ترك خالد عم عمران ورحل ولكن أخذ يفكر ذلك الرجل في كلام خالد له !.

وبعد مرور عدة أيام وفي حديقة القصر كان يجلس سليم مع إسرائ يتحدثان سوياً بدأت تظهر له جبهها وأعجابها به أما هو فيحاول أن يتماسك في حديثه معها وعدم أظهار كل ما في قلبه تجاهها أنكلم معها عن أحوال القصر وعماله وما يدور فيه في الفترة الاخيرة قائلاً :

في حاجة غريبة أنا مش عارفها ناس منهم قلبهم أتغير .. يارب الي خايف منه ميحصلش ؟

فردت إسرائ :

ايه الي أنت خايف منه !

فقال بحزن :

ولا حاجة ربنا يستر .. فصمت سليم قليلاً ثم قال :

تفتكر يا إسرائ حبك وغلاوتك ليا ممكن تدوم ؟

فردت متعجبه :

ليه بتقول كده يا سليم !

فقال :

أنا حياقي زي ما أنتي شايفه روتين نفس اليوم بيتكرر كل يوم والروتين ده بيولد ملل والملل بينهى أي قصة حب أيا كان قوتها ومش كده وبس أستمراره ممكن يتحول لكره وأنا مش بتفاجئ ولا بزعل لما حد بيطل يجيني !

صمتت إسرائ بعد حديث سليم لها متردده وتذكرت كلام والدتها أيضا ..

وفي ذلك اللحظة سمع سليم صوت طفلان صغيران يتحدثان على بوابة القصر مع عمران فسأل إسرائ :

في ايه ؟

فردت :

في طفلين ولد وبنت واقفين على البوابه بيتكلمه مع عم عمران .

فنادى سليم بصوت عالٍ :

دخلهم يا عمران .

دخل الطفل وترك أخته واقفه على الباب حتى وقف أمام

سليم أفسأله :

أسمك ايه ؟

محمد

واللى معاك أسمها ايه ؟

فاطمة .

فقال له :

طب نادي عليها خليها تيجي !

مش هتعرف تيجي لوحدها لازم أروح أجيبها .

فسأله : ليه !

أصلها مش بتشوف !

تأثر سليم بهذه الجملة وإسراء أيضا ثم قال له :

روح هاتها .

ذهب الطفل لإحضار أخته الكفيفه وأتى بها إلى سليم ..

فسألها :

أسمك ايه يا شاطره ؟

فردت : فاطمة

عندك كام سنه يا فاطمة ؟

ست سنين

فسألها : بابا بيشتغل ايه ؟

عند ربنا وأحنا عايشين مع ماما .

صمت سليم ثم وجه حديثه إلى الطفل قائلاً :

طالما أختك تعبانة ومش بتشوف منزلها معاك الشغل ليه
وبتتعبها معاك ؟

فرد الطفل :

الناس مش بتديني فلوس إلا وهيا معايا !

أخذت إسراء الطفلة فاطمة لتجلس على قدميها وأعطت
لها بعض الحلوه التي أخرجتها من حقيبتها وأخذت
تتحدث معها قائلة :

وأنتي حصلك كده أزاى ؟

فرد أخوها :

كانت عنيتها تعبانة وخدت دوا غلط ومن ساعتها وهي
كده .

أخرج سليم بعض الاموال من جيبه لا يعلم كم يبلغ

عددها وأعطاه له وقال :

متبهدلش أختك معاك في الشغل تاني ومتشتغلش الشغلانه دي أبكره هتجيلي في نفس المكان ده وفي نفس الوقت هديك مرتب شهري ليك ولأختك يكفيكم طول الشهر وتروح مدرستك وتهتم بدروسك ولو عرفت أنك نزلت وأشتغلت هزعل منك وأنا زعلي وحش أيلأ أمسك أيد أختك وروحها وخلي بالك منها .

أعجبت إسرائ بتصرف سليم مع الطفلان وقالت له :

أكثر حاجة بجبها فيك حبك للخير اللي بتعمله .

فرد :

كان ممكن أكون زيها في يوم من الايام .. يمكن حالتها أحسن من حالي كمان !

فقالت :

بس أنت ربنا معوضك بقصر كبير وفلوس الحمد لله .

فرد :

مسكه أيد أخوها ليها أحسن من القصر والفلوس وكل حاجة أمتلكها أها عندها السند وأنا معنديش أربنا يقدره ويفضل سند ليها عمرها كله والزم من ميغروش .



يجلس سليم على كرسي في صالون القصر فأتت إليه السيدة زينة لتخبره بأن عامل شركة صيانة القصر والحديقة أنهى شغله ويريد حسابه وكان العامل قد حضر إليه ووقف بجانبه أخرج سليم من جيبه عدد كبير من المال وأعطاهما لست زينة وقال لها :

أديله اللي هو عاوزه وهاتي الباقي !

أخذت الست زينة جزء من المال وأعطت للعامل حسابه ثم أخذت جزء من المال ووضعتها في جيبها وهي تنظر يمياً ويساراً حتى لا يراها أحد وبعد ذلك أعطت جزء بسيط لسليم ليضعها في جيبه مرة أخرى .

ما حدث كان أول مرة لست زينة طول فترة عملها في القصر أو بعد ذلك أخذت الاموال ثم دخلت إلى غرفة أبنها خالد وأعطت له الاموال فرد عليها خالد :

ايه الفلوس دي يا أمي ؟

فقالت :

خدتهم من سليم وهو مش واخد باله خليهم معاك أنا مش عارفه أنا ليه عملت كده !

فرد عليه وهو سعيد :

أيوة كده يا أمي شغلي دماغك معايا قولتلك ده معاه
ملايين مش هيركز في الفكه دي أعاوزين الخبطة الجاية
تكون جامدة شوية أنا عمال أفكر في حوار علشان منسيش
حاجة ورانا ومحدث ياخد باله بس مينفعش نبقي لوحدا
لازم نبقي كلنا ربطه واحده علشان محدش يلوي دراعنا او
يبلغ سليم أونقسم الفلوس علينا كلنا .

فقال :

بس أنا خايفه محدش فيهم يرضى ونبقى أحنا اللي وحشين
او الخبر يوصل لسليم بيه !

فرد عليها :

متخفيش يا أمي سيني الموضوع ده عليا انا من كام يوم
لعبت في دماغ عم عمران أمردش عليا اه بس أعتبريه
معانا أنا هعرف ازاي أقنعه وعم أشرف عيبط ويخاف لو
معرفناش نقنعه هتهده وهيوافق انا عارف دماغه مش
هيقول للرزق لا ألي خايف منه فعلاً عم سليمان !

فقال الست زينة :

أوعى تعرفه أده روحه في سليم وممكن يقوله ويوظ كل
الي أحنا هنعملها !

فرد عليها :

علشان كده انا مقولتلوش ولا هجيب قدامه سيره أ
ومتخفيش الي هينفز العملية واحد من برا القصر خالص
علشان نبقى في السليم ، وفي نفس الوقت هنبلي الناس أن
الفلوس هتتقسم علينا بالعدل علشان يطمعوا وساعتها
يبقى كلهم في جيبي ونلعب على كبير بقى .

* * *

يجلس عمران مع زوجته في بيتهم الصغير وفتح أمامها
الموضوع الذي أخبره به خالد وأخبرها بتردده ماذا سيفعل
!!

ردت زوجته قائلة :

فعلاً يا عمران خالد عنده حق أعمل حساب اليوم
الي تمشي فيه من القصر وبعدين أنت بتقول سليم معاه
ملايين ده أنتوا لو عرفتوا تاخدوا مليون واحد وتقسموا
على بعض ويمكن مش هيعرف ولا هياخد باله أصلاً !

أقتنع عمران بوجهة نظر زوجته ولكن مازال متردداً أخذ
سلاحه وخرج من بيته ليذهب إلى القصر أجمع خالد أمه
وعمران و أشرف وأخذوا يقنعون أشرف بما سيفعلون حتى
وافق وأنضم معهم ، كان هذا الموضوع بدون علم سليمان
وتجمعوا جميعاً في حجرة المطبخ حتى لا يشعر بهم أحداً
أخرج خالد أموال من جيبه التي أخذتها أمه من سليم
دون علمه وقام بتوزيعها عليهم وقال لهم :

أنا عارف أن ده مبلغ بسيط بس أي مصلحة وخلاص
أحنا أولى أنا أو عدكم الضربة الجاية هتكون جامدة وكل
واحد هيطلعلوا بقرشين حلوين أو متخفوش سليم أكيد
مش هيعرف وحتى لو عرف أحنا بره الموضوع وعنده في
البنك غيرهم كثير .

لم يقصر سليم مع عمال قصره مادياً أو عاطفين ولا أجمعين
ولكن تخلل بينهم الشيطان حتى ملأ الطمع قلوبهم وقرروا
خيانتة ..!

ذهب خالد إلى مروان ليعرض عليه الفرصة التي ينتظرها
منذ سنوات ولأن هذا هو عمله المعتاد وهو النصب
والسرقة .. وقال له :

أنا جتلك علشان أعرض عليك عرض كويس وأنت
مستنيه من زمان !

أيه هو ؟

فقال :

هتسرق قصر الكفيف زي ما بتقول دايماً .. أيه رأيك ؟

فرد :

أيوه بقى هو ده الكلام الحلو وعين العقل .

فقال له خالد :

بس أنت الي هتتفزا او تشوف حد من رجالتك أو عندي شرط أحنأ أربعه شركة وأنت هتبقى الخامس قولت ايه ؟ أنا موافق ..

فقال له خالد :

بس لازم طريقة او خطة حلوه علشان ميشكش فينا .. وبعدين ده داهيه وذكي جداً يعني لازم تكون خطه محترمة علشان نبقى في السليم وبعدين أحنأاه معاه في القصر بس محدش فينا يعرف يدخل قوضة المكتب الي فيها الخازنة بتاعته وبعدين دي خازنة فتحها صعب علشان ببصمه أيديه أفكر معايا هنعمل أيه وانا أقدر أساعدك بأيه ؟

صمت مروان قليلاً يفكر في خطة ليرد بها على خالد ثم قال :

أنا هقولك تعمل ايه وسيب الباقي عليا ..

المطلوب منك أنك تدخل قوضة المكتب بتاعته ودي أنت تقدر تعملها أنا هديك مادة زي الزيت كده هتحتها في بصمة الخازنة أبعد ما تتخط المادة دي مستحيل البصمة تفتح معاه فيضطر يكتب الرقم السري بتاع الخازنة .. أعرفها أنت بقى الرقم أده أعمى يعني أكيد حركته هتبقى بطيئه وهتبقى سهله عليك تعرفه الرقم السري وبعدين تخرج من الاوضة وتسبب الشباك مفتوح وسيب الباقي

عليها ..

فرد عليه خالد :

يخربيتك ده أنت شيطان .. يومين بكثير وهخلصك الحوار
ده .

دخل خالد القصر ليلاً متجهاً إلى غرفة والدته وفتح الباب
ودخل نادى عليها حتى أستيقظت من نومها وقال لها :

أطمني يا أمي كلها كام يوم والي قولتلك عليه هيحصل
أمش كده وبس محدش فينا الي هينفذ العملية في حد
من براثقه هو الي هيعمل كل حاجة وأحنا في السليم
متقلقيش بس هو طالب مني حاجة أعملهاله والحاجة
دي أنتي الي تقدرني تساعدينني فيها وهيا أني أدخل قوضه
سليم أشوفي بقى هتعملي أيه علشان أقدر أدخلها وأفضل
جواها وهحط مادة تمنع أن البصمة تفتح مع سليم
وساعتها هيفتحها بالرقم السري انا هشوفه وهو بيعمله
واحفظه .

فردت الست زينة :

حاضر من هنا للمصبح هفكرلك في موضوع وهقولك
عليه بس يا أبني متأكد من الي هتعمله .

فقال لها بحماس شديد :

اه طبعاً يا أمي وحوار أن حد الي هينفز ده هيخلينا في أمان
وبعدين هنعمل أي حاجة في الليلة دي تدل أننا في السليم
سواء مع عم سليمان او سليم لحد ما الراجل يخلص حوار
وطول ما أحنا مع بعض ومصدقين بعض سليم عمره ما
هيشك فينا ده لو حس أن في حاجة أتسرت أصلاً!

فردت :

خلاص أنا بكره الصبح هقول لسليم بيه أن قوضه المكتب
من زمان محدش نصفها وزمانها متوسخها وهدخل جواها
أنضها وأسبيلك الشباك مفتوح يدوبك بس تفتحه بأيديك
. ايه رأيك ؟

فقال لها :

راسك أبوسها ياما أبموت فيكي لما بتشغلي دماغك .

وبعد ما ده يحصل هقولك تعملي ايه في الخطة الجاية !

* * *

يتحدث سليم في تليفونه مع إسرائ فقد تطورت علاقتهم
وأصبح حديثهم مع بعضهم بالساعات يومياً وليلاً حتى
يذهب كل منهما في النوم .

وفي صباح اليوم التالي أستيقظ سليم من نومه وغير
ملا بيه وخرج من غرفته وأثناء نزوله السلم كانت الست

زينة متواجدة في صالة القصر تقوم بتنظيفها وعندما رأت سليم قالت له :

صباح الخير يا سليم بيه .. هو حضرتك هتفتح قوضة المكتب ! علشان من زمان منضفتهاش وزمانها متبهدله .
فرد عليها :

صباح الفل اه ماشي هفتحتهاك تعالى .

فتح سليم غرفة المكتب بمفاتيحه الموجودة معه دائماً وطلب من الست زينة الدخول لتقوم بتنظيف الغرفة ودخل معها أجلس على مقعد المكتب أما السيدة زينة فقامت بتنظيف الحجرة جيداً وتنظيف شرفتها ولكن عند أغلاق الشرفة لم تغلقها جيداً أتركها معلقه فقط لتكون سهله الفتح وبعدها أخبرت سليم أنها أنتهت من تنظيف الغرفة وخرجت وخرج وراءها وأغلق باب الحجرة جيداً بمفاتيحه ونزل إلى حديقة القصر لسماع أغاني أم كلثوم في الرايو الخاص به .

* * *

يجلس مروان مع أحد أصدقائه الذي يعمل معه في النصب والاحتيال وقال له :

بقولك ده قصر صاحبة راجل أعمى والخازنة الي فيه مليونه فلوس والناس الي في القصر أنا مضبط معاهم

والمصلحة هتتقسم علينا كلنا قولت ايه ؟

فرد عليه :

لا ياعم أنا أعتزلت موضوع السرقة ده وحلفت باليمين
ما هر جعله تاني من ساعة ما كنت هتمسك آخر مرة أنا
معاك في أي حوار تاني إلا السرقة .

فقال له وهو يحاول أقنعة :

أنت جى تتوب دلوقتي ! يا ض شغل دماغك دي عملية
سهلة وهنطلع بيها بقرشين حلوين أسمع مني !

فرد عليه :

لا مش لاعب شوف حد غيري .

خلاص أنت فقر أنا اللي هدخل وأنفذ مع أنها أول مرة
بس مينفعش الطلعه دي مبقاش فيها أعاوزك تستناني برا
بالعربية تراقب الدنيا ومتشغلش بالك من القصر من جوه
أنا مظبط الدنيا أبس كده نسبتك من المصلحة هتقل ؟

فرد عليه :

مش مهم أي حاجة بس مش أنا اللي أسرق وخلاص .



دخلت الست زينة إلى غرفة خالد لتخبره بما فعلت وأنها
أتمت خطتها بنجاح

فرد عليه خالد :

كده تمام أوي يا أمي .

فقال له :

وسيتلك الشبك مفتوح يادوب هتفتحه بأيدك بس .

فرد :

تمام بس في مشكلة ! عاوزين نشوف حوار نضمن بيه أن
سليم يفتح الخازنة مهو ساعات بيدخل وبيقعد بالساعات
ومش ييفتحها !

أخذ يفكر خالد وأمه في طريقه تجعل سليم يفتح الخازنة
أمامه حتى يستطيع معرفه كلمه السر فجاءت فكره في باله
وقال لأمه :

أنا جتلي فكرة حلوة أنتي النهاردة بليل وهو سليم طالع
ينام قوليله أنك محتاجه فلوس سلف او أي حاجة فطبعاً
هيوافق ومش هيقولك حاجة وكده هنبقى ضمناً انه
هيدخل قوضة المكتب وكمان يفتح الخازنة .

كان سليم جالساً ليلاً على إحدى مقاعد صالة القصر
وكانت الست زينة تترقبه داخل غرفة المطبخ ومعها أشرف

وحينما قام سليم من مقعده صاعداً درجات السلم متجهاً إلى غرفة نومه خرجت ونادت عليه قائلة :

سليم بيه عاوزاك فى موضوع تسمحلي !

رد عليها سليم وهو واقف مكانه :

أفضللي قولي ؟

فقالت :

لا أصل بنتي تعبانة ومحتاجة تعمل عملية وكنت محتاجة من حضرتك خمسة الف جنيه سلف من بكره ضروري يا بيه .

فرد عليها :

لا الف سلامه عليها فكريني بكره الصبح أدهلك ولو محتاجة زيادة عادي مفيش مشكله .

فقالت :

لا كفايا يا بيه ربنا يخليك بكره الصبح هفكر حضرتك .

ذهبت الست زينة إلى المطبخ مرة أخرى فرحه لأن ما في عقلها تحقق أما سليم فذهب إلى غرفته لينام .

الفصل السادس

أستيقظ خالد في منتصف الليل وغير ملابسه وبعدها خرج من غرفته متجهاً إلى حديقة القصر وبعدها ذهب إلى غرفة المكتب وأخذ ينظر حوله حتى لا يراه أحد ثم تعلق بحائط القصر ورفع جسده حتى أمسك بشرفة الغرفة ودفعها بيديه ففتحت من الداخل وألقى بجسده داخل الغرفة وقام بغلق الشرفة مرة أخرى .

أصبح خالد داخل غرفة المكتب وأخرج كشاف من جيبه صغير حتى لا يفتح نور الغرفة وأتجه إلى الخزانة وقام بإخراج المادة التي تشبه الزيت من جيبه ووضعها مكان بصمه الاصبع في الخزانة وبعدها جلس على إحدى مقاعد الغرفة يتخيل نفسه وحياته عندما يملك الكثير من الاموال أظلت أحلام اليقظة تسيطر على عقله لوقت طويل أو عندما تساقطت أشعة الشمس على القصر قام خالد من مقعده ودارى جسده خلف سيطرة الحائط وظل منتظراً أن يفتح سليم الغرفة والخزانة أيضاً ..

أستيقظ سليم من نومه وغير ملابسه ونزل إلى الطابق الارضي من القصر وأخذ ينادي على الست زينة حتى ردت عليه وأخذها وفتح غرفة مكتبه وذهب باتجاه الخزانة ووضع يديه على البصمه ولكن لم تفتح معه أخذ يكرر ذلك عدة مرات ولكن لم تفتح معه أيضاً حتى وضع يديه

على زراير الارقام وأخذ يحسها بأحد صوابعه ويكتب أرقامها السرية ببطيء لأنه لم يكن متعوداً على فتحها بالارقام السرية أكان خالد يتابع ذلك حتى أستطاع معرفة كلمه السر ٠٢٣١٩٩٦ هذا هو الرقم الذى كتبه سليم وأستطاع خالد معرفته وعندما فتحت الخازنة أخذ جزء من المال لم يعرف عدده كان مكون من أوراق بمئتان جنيه وأعطى المال لسيدة زينة قائلاً :

شوفي دول كام وخدي المبلغ بتاعك .

فردت :

ده ورق بميه .. كده أعد كام علشان يكمل الخمس الف ؟

عدي خمسين ورقة .

كانت هذه المرة الثانية التي خدعت الست زينة سليم وبهذه الحركة الملعونه أخذت ضعف المبلغ التي تريده والاقبح من ذلك أبتسامة الشر التي تملأ وجهها في تلك اللحظة .

أخذ سليم المتبقي من المال ووضع في الخازنة مرة أخرى وأغلقها وخرج من الغرفة وأغلق بابها وبعدها أتصل خالد على أمه لكي تشغل عم سليمان او تنادي عليه حتى يستطيع الخروج من شرفة الغرفة كما جاء وحدث ذلك عندما نادى عليه الست زينة وأخذت تتحدث معه في

مواضيع متعددة حتى أستطاع خالد الخروج من الشرفة وأغلقها كما كانت ونزل إلى القصر وذهب إليهم وكأنه حاضراً من الخارج .

وأثناء تواجده في الحديقة أخذه عمران جانباً ليطمئن على سير العملية وما حدث وأخبره خالد قائلاً :

كل حاجة بقيت تمام وجزء منها أتعلم النهاردة ناقص الجزء بتاعك أنت

فرد عم عمران :

طب وأنا مطلوب مني ايه ؟

المطلوب منك بعد ما عم سليمان ينام هتسبب بوابة القصر مفتوحة وأخفى أنت جوة قوضتك وأنا هتابع الدنيا .. تمام !

* * *

أتصلت إسراء على تليفون سليم وعندما رد عليها أخبرته أنها ستأتي إليه في القصر لتخبره بعدة أمور حدثت لها وتريد أن تتحدث معه وأخبرها سليم بأنه في انتظارها في القصر أ جاءت إسراء إلى القصر وجلست مع سليم تتحدث معه مبتسمة وب نظرات حماسيه لم تظهر عليها من قبل وجلست بجانبه فقال لها سليم :

قوليلي بقى ايه الموضوع الجديد الي عاوزه تقوليلي عليه
شكلك يقول أنك مبسوطه ؟

فردت :

جداً .. مبسوطه جداً أبص يا سيدى انا قولت أتنافس
معاك في فعل الخير وأشرتكت في جمعية عن أطفال الشوارع
هنحاول نساعدهم ونوزع لهم أكل ومساعدات كثير ، أنا
كلمت أصحابي ومجموعة من الشباب والبنات المتطوعين
ناس هتوزع في الشارع وناس هتلم تبرعات وكده وأنا
قررت أبقى من المجموعة الى تلم تبرعات وروحت لبابا
وعرضت عليه الفكرة وقرر انه يساعدنا بفلوس ومش بابا
بس ناس تانية أصحابه أرحتلهم وأنكلمت معاهم وكلهم
قرروا أنهم يساعدوني وأنت كمان هتساعدني زيهم وأن شاء
الله مع الوقت هنطور الفكرة لحد ما تبقى حاجة كبيرة أاه
نسيت أقولك أننا عملنا إعلانات في المجالات وعلى مواقع
التواصل الاجتماعي علشان الموضوع يتعرف وناس كثير
تساعدنا .

فرد عليها :

برافو عليكى يا إسرائ بس خلصتي رسالة الماجستير ولا
لسه علشان متشغليش وقتك بس !.

أنا خلاص كتبت الرسالة وخلصت كل الكورسات مش
فاضلي غير المناقشة بس والبركة فيك أنت ساعدتني كثير

يا سليم أبس أنا عاوزك تساعدني أكثر في الموضوع الي
قولتلك عليه .

فقال لها :

هساعدك وبحاجة كبيرة كمان أوعدك بكده بس أديتي
شوية وقت علشان مشغول اليومين دول .

مالك يا سليم في حاجة ؟

لا حاسس أني مش مرتاح نفسياً اليومين دول .

وفي ذلك الوقت كان يوجد تليفون صغير مخبأ خلف
الترتيزه ومثبت مفتوح الخط وكان خالد مجتمع مع أمه
وعم أشرف وعم عمران يسمعون الحديث الذي يدور بين
سليم وإسراء وبعدها نطق خالد :

مش قولتلكم بنت دي عاوزة تنصب عليه انا مش مرتاحها
من ساعة ما شوفتها آل جمعية وتبرعات وكلام فاضي ! يا
بنت الايه ! وهو ميعرفش حاجة ولا شايف حاجة هيديها
علطول أوخلينا أحنا قاعدين كده وهنخرج من المولد بلا
حمص لازم نستفيد منه أحنا كمان أحنا أولى أنا هنفز الي
قولتلكم عليه النهاردة أوأحنا براءه ومستعدين نحلف على
المصحف كمان ده لو عرف أساساً .

* * *

أنتهى حديث إسرائ وسليم وأخذت حقيبتها ورحلت أآخر
شئ قالت له لسليم :

خلي بالك من نفسك يا سليم وأنا هكلمك أطمئن عليك
بأستمرار .

أما سليم فكان جالساً على مقعده ناظراً إلى الارض كل ما
فعله هو هز راسه لأعلى ولأسفل رداً على كلام إسرائ له
أوفي الليل ذهب خالد إلى مروان ليخبره عما حدث اليوم
قائلاً :

الي قولتلك عليه خلاص أتنفذ بالحرف الواحد ناقص
طلعتك أنت ٠٢٣١٩٩٦ ده الرقم السري بتاع الخازنة
وشباك القوضة مفتوح هتدخل من البوابة عادي جداً بس
بسرعة على قوضة المكتب أهتنتط من شباك ورا تنفذ وتخرج
تاني بسرعة وبكره نتقابل أوعلى فكره الخازنة مليانه فلوس
أنا شوفتها وهيا مفتوحة .

فرد بسعاده غارمه :

الليلة جهز نفسك .

لا أنا مليش فيه أمال أنا جايك ليه أنت الي هتتنفذ
وهتعمل كل حاجة وأنا هتا بعلك الدنيا من جوه وفي راجل
متابعك الدنيا من الجنية من برا كمان أظن مفيش أسهل
من كده .

فرد : ماشي آتفئنا .

* * *

يجلس سليم مع عم سليمان يتحدثان ليلاً في الحديقة فيقول له :

بقولك يا عم سليمان أنا قررت أبيع بيت الاسكندرية آيه رايك ؟

ليه يا سليم بيه !

فقال :

يعني المحالات والشقق كلها إيجارات قديمة ومدى الحياة ومش مستفاد منهم بحاجة وبفلوسهم نقدر نعمل حاجة أحسن .

فرد عم سليمان :

خلاص اللي تشوفه يا بيه كلم خالد يتصرف هو في الموضوع ده .

فقال له :

لا أنا عاوزك أنت الي تتصرف مش عاوز خالد .

ليه يا بيه في حاجة !

فقال له :

من غير ليه نفذ أنت يا عم سليمان ..

ترك سليم عم سليمان وذهب إلى غرفته لم يتجه إلى وسادته كعادته ولكن ظل جالساً على مقعد داخل غرفته ولم ينام في تلك الليلة عكس المعتاداً وذهب عم سليمان إلى غرفته الصغيرة الموجودة في حديقة القصر أخذ يفكر في قرار سليم بيع بيت الاسكندرية هل ذلك قرار جديد ام لا !!

وبعد منتصف الليل دخل مروان القصر وكان باب القصر مفتوح يعلم عم عمران والذي ترك الباب مفتوح في تلك الليلة وكان ينتظره أحد أصدقائه بسيارة خارج القصر أو بعد دخول القصر أخذ الاتجاه الايمن ومشى بجانب سور القصر وراء الاشجار حتى وصل إلى غرفة المكتب ثم أخذ الطريق بالعرض مسرعاً حتى وصل إلى تحت شرفة الغرفة وقام بالنظر يميناً ويساراً ثم تعلق بالحائط حتى أمسك بالشرفة وقام بدفعها بيديه ففتحت معه وقام بالقاء جسده بالداخل .

وفي ذلك الوقت خرج عم سليمان من غرفته صدفة بغرض الاتصال بأحد مستأجرين بيت الاسكندرية ليخبره بأن سليم يريد بيع البيت وأثناء خروجه نظر إلى بوابة القصر إذ يتفاجأ بأنها مفتوحة أذهب متعجباً إلى البوابة ليري ماذا يحدث وكيف يكون باب القصر مفتوح في ذلك الوقت أ

وبعد أن أقترب من الباب لفت ظهره لينظر إلى القصر وأثناء نظره ناحية القصر فوجئ بأن شرفة غرفة المكتب مفتوحة وبها أضواء بسيطة من الداخل أدخل مسرعاً إلى غرفة عمران الصغيره وأخذ سلاح عمران وخرج إلى الحديقة وقام بضرب طلقات في الهواء لان ما يحدث أمر غير طبيعي أوبعد إطلاق النار ترك السلاح لعمران وأخبره بأن يوجد لص داخل القصر وذهب مسرعاً ناحية إلى باب القصر ..

سمع سليم صوت إطلاق النار وخرج من غرفته مسرعاً أما مروان بعد أن فتح الخزانة أغلقها مرة أخرى وذهب إلى شرفة الغرفة ونظر يميناً ويساراً ثم قفز من الشرفة إلى الحديقة وجري مسرعاً ليخبي نفسه وراء القصر حتى نادى عليه خالد من شرفة غرفته وقال له :

تعالى أستخبي هنا .

قفز مروان ودخل غرفة خالد وفي ذلك الوقت نزل سليم من سلم القصر ينادي بأعلى صوته « في ايه » « في ايه » وأخذ ينادي على خالد حتى أتجه إلى غرفته وفتح باب الغرفة .. كان خالد ومروان متواجداً داخل الغرفة وأثناء دخول سليم عليه رد خالد على سليم كأنه مستيقظ من النوم ولا يعرف شئ وينظر إلى مروان واضعاً إحدى أصابعه على فمه حتى يصمت مروان ويكتم أنفاسه حتى

لا يشعر به سليم أو أخذ خالد يده وخرج من الغرفة وأغلق باب غرفته وقال لسليم :

هو في ايه أنا تقريباً سمعت صوت ضرب نار ؟

فرد سليم :

اه وسمعت صوت عم سليمان يقول حرامي تعالى نروح بسرعة قوضة المكتب .

فتح سليم غرفة المكتب ودخل مع خالد وأخبره خالد أن كل شئ على ما يرام وذهب إلى الشرفة ونظر إلى الحديقة ونادى على عم عمران وعم سليمان حتى وصل إليهم عم سليمان وقال خالد :

إننا هاخذ عم سليمان وهنطلع نشوف الدنيا فوق تعالى خليك معانا طول ما أنت معانا أحنا مطمئنين عليك وخلي عم عمران يبقى تحت ويخلي باله .

أخذ خالد عم سليمان وكان خلفهم سليم وصعد إلى الطابق العلوى بحجه البحث عن أي شئ وفي ذلك اللحظة نظر مروان من الشرفة وقفز مسرعاً إلى الحديقة ثم بوابة القصر وخرج وأخذ السيارة المتواجدة خارجاً ورحلوا مسرعان .

بحث خالد و عم سليمان الطابق العلوي ولم يجدوا أحد فقال عم سليمان :

حد يتصل بالشرطة بسره !

فقال له خالد :

قبل ما نتصل بالشرطة قولنا أنت شوفت ايه ؟

فرد غاضباً :

باب القصر كان مفتوح وشباك قوضة المكتب كمان أنا
متأكد أن كان في حد غريب في القصر .. القصر حزين يا
سليم بيه .

فقال له خالد :

خلاص برحتكم أتصل على الشرطة بس الحمد لله أنا
شايف مفيش حاجة .

أجتمع جميع عمال القصر جميعهم داخل القصر يتحدثون
عما حدث وسليم كان واقفا بجانبهم يسمعهم حتى جاءت
الشرطة .

الضابط منير وهو ضابط قسم الشرطة المجاور للقصر
وبمجرد دخوله قام بالتحية والسلام إلى سليم ثم قال
بصوت عالي :

سيونا أنا وسليم بيه لوحدا عاوز أتكلم معاه شويه على
أنفراد .

أبتعد الجميع وذهبوا بعيداً وبقي الضابط منير مع سليم يتحدث معه ليعرف منه ماذا حدث قائلاً :

أزيك يا سليم منشوفش بعض كده غير لما يبقى في حاجة ده أحنا قرايب يا جدع ومماتك كانت عمتي يعني لازم علاقتنا ببعض المفروض تبقى أحسن من كده !

فرد عليه :

معلش بقى يا منير بيه ما أنت عارف الدنيا ومشغلها .

فقال له : عندك حق .. قولى بقى أيه اللي حصل ؟

حكى سليم له ما حدث منذ كان جالساً مع عم سليمان في حديقة القصر حتى حضر له بالتفاصيل أفطلب عم سليمان ليعرف منه ماذا حدث لأنه هو من رأى كل شئ أو بعد أن سمع منه ما حدث تحدث مع سليم قائلاً :

خلاص يا سليم بيه العمال دي أنا هخدمهم معايا وهحقق معاهم بنفسي وهعرف أوصل لحاجة أن شاء الله .

قاطع سليم حديثه قائلاً :

هتاخدمهم ليه ! وهتحقق معاهم ليه هما معموش حاجة وكانوا كلهم حوليا ساعة اللي حصل علشان يحموني .. مفيش حد فيهم هيجي معاك .

فتابع الضابط حديثه قائلاً :

علشان المحضر يا سليم ؟

لو كده مش عاوز محضر خلاص الي حصل حصل
والحمد لله مفيش حاجة وكلنا تمام ومفيش حاجة أَسْرَقَت
من القصر !

فقال له :

بردو يا سليم أالثقه الكبيرة دي غلط ..

فتحدث معه سليم غاضباً :

علشان دول أهلي يا منير بيه وعمرهم ما خانوني ولا
هيعملوها ولو مجيتك هنا علشان نعيد الكلام ده تاني
أنا متأسف أمفيش حاجة حصلت في القصر وشوف
الاجراءات القانونية الي هتعملها ايه وأنا تحت أمرك .

فرد عليه :

ماشى يا سليم بيه برحتك أنا هعتبر أني جيت علشان
أسلم عليك أبس لو أحتاجت أي حاجة في أي وقت
مكتبي مفتوح ليك علطول .

خرج الظابط منير من القصر ناظراً لعمال القصر جميعاً
بطرف عينه نظره كره حتى خرج من باب القصر ورحل
ومن معه من عساكر وأمناء الشرطة .

حضرُوا جميعاً إلى سليم ليتحدثوا معه ولكن رفض سليم

التحدث معهم قائلاً :

مش عاوز كلمه من حد كل واحد يروح لحالة ويخلي باله
من شغله أوفتحوا عنكم مش عاوز الي حصل النهاردة
يتكرر تاني .

تركهم سليم وصعد إلى غرفته أودخل غرفته غاضباً وألقى
نفسه على وسادته حتى نام .

* * *

دخل خالد إلى غرفة أمه غاضباً وأخذ يتحدث معها وهو
يضرب الأشياء بيديه قائلاً :

أنا كلمت الراجل وقالي انه خلاص فتح الخازنة ولسه
يقول يهادي سمع صوت ضرب النار قفلها بسرعه علشان
يهرب كان خلاص العملية هتكمل وكان زمانا هايصين
دلوقتي لولا الزفت اللي تحت ده أعاوز أنزل أخلص
عليه وأرتاح منه علشان لولاه كان زمان العملية نجحت
أوبعدين ايه اللي خرجه في الوقت ده الجنية أصلاً أصحابي
يعمل ايه والنهاردة بذات !

ثم ضرب خالد بيده على الحائط من شدة غضبه مرة
أخرى ثم تابع حديثه قائلاً :

أنا أضطريت أخبي الراجل في قوضتي لحسن الزفت
ده كان شافه ومسكه وكنا روحنا في داهية وسليم دخل

عليا يصحيني وهو في القوضة معايا بس الحمد لله عدت
على خير وكويس أنها جات في سليم مش عم سليمان !
وأخذت عم سليمان وسليم وطلعنا فوق أديته فرصه انه
يهرب والحمد لله هرب أنا قلبي كان هيقف !

فردت أمه :

خلاص بقى يا خالد ربنا سترها المرة دي والحمد لله عدت
على خير أسكت بقى وأهدى على الاقل اليومين دول لحد
الدنيا ما تهدى !

نظر إليها خالد وصمت ثم هز رأسه لأسفل مرتين
وخرج من غرفتها وذهب إلى غرفته .

حل الصباح إلى القصر وتساقطت أشعة الشمس وأستيقظ
سليم من نومه وبعدها أخذ يعاني من التعب الشديد في
قلبه لا يستطيع التحدث ونزل من سريره وأخذ يمشى
بصعوبة حتى خرج من الغرفة ونزل من سلم القصر
ببطء وهو مستنداً على الحائط ويحاول أن ينادي على عم
سليمان بصوت عالي لكن لا يستطيع حتى نزل من السلم
وألقى بنفسه على أقرب مقعد في الصالة حتى حضر إليه
عم أشرف وعندما رآه بهذه الحالة ذهب إليه مسرعاً وأخذ
ينادي على خالد وسليمان بصوت عالي ليقوموا وليطمئنا
عليه ويذهبوا به إلى أقرب مستشفى في أسرع وقت .

أخذه خالد وعم سليمان في سيارته مسرعان إلى أقرب

مستشفى واحتجز سليم داخل غرفة الرعاية الجميع منتظر بجانب غرفة العناية ليطمئنوا عليه أبتعد خالد قليلاً عن سليمان وأشرف وقام بالاتصال إلى مروان ليخبره بأن سليم وسليمان وهو في المستشفى وأنها فرصة جيدة لتكرار تنفيذ العملية مرة أخرى ولكن سب له مروان في المكالمات وأغلق الخط في وجهه أو بعد عدة دقائق خرج الطبيب من الغرفة وأخبره بأنه تعرض لصدمه أو شيء أتعبه أو جعله حزين بجانب مشكلة قلبه أو أخبرهم أنه بحالة جيدة تستطيعون التحدث معه ولكن لا تخبروه بأي شيء يجعله حزناً.

دخل كل من سليمان وخالد وأشرف إلى سليم داخل الغرفة ليطمئنوا عليه وعلى صحته وعندما دخلوا عليه أخبرهم بأنه يريد المحامي الخاص به أفسأله عم سليمان :

خير يا سليم بيه عاوزه في حاجة ؟

فرد :

لا كنت طالب منه شغل كده وعاوز أسأله عليه !

وبعد بضع دقائق حضر المحامي وطلب منهم أن يتركوهم سوياً أخرج الثلاثه خارج الغرفة وظل المحامي معه داخل الغرفة لعدة دقائق كثيره وعندما خرج من الغرفة لم يتحدث معهم المحامي ولم يرد عليهم عندما نادوا عليه ! خرج سليم من المستشفى في نهاية اليوم بعد أن أطمئن على

حاليه الصفيه وطلب منه الطيب بعدم التعرض لأي شئ يجعله حزين او مضطرب او التعرض لأي مجهود وعاد إلى القصر ودخل الى غرفته وخرج الجميع من الغرفة لكي يستريح قليلاً وأثناء ذلك نادى على عم سليمان وقال له :

عملت أيه في الموضوع الى قولتلك عليه ؟

فرد عليه :

لسه الموضوع محتاج شويه وقت يا بيه البيت مش جايب
سعر حلو !

وصل لكاه !!

فقال :

مليون ونص يا بيه وبالعافيه من واحد من اللي مأجرين !

فرد :

أتصل عليه وقوله أني موافق أكده كده مش هييجيب سعر
كويس يا عم سليمان وانا مش حابه ولا حابب أروحه من
ساعه اللي حصل أكلمه خليه ييجى بكره ومعاه فلو سه
كاش وهنخلص البيعه بكره ما عدا الشقه اللي في الدور
الثاني .. شقه ٢ خليه للزمن .

فرد عليه عم سليمان متعجباً :

حاضر يا بيه الي تشوفه .

وقبل مغادرة عم سليمان الغرفة نادى عليه مرة أخرى وأخبره أن يطلب رقم إسراء يريد أن يتحدث معها أأتصل عم سليمان عليها وتحدث معها قليلاً في التليفون وبعدها أعطى التليفون إلى سليم ليكمل حديثه معها وحينها طلب سليم منها أن تحضر إليه في القصر لانه يريد في أمر هام أوبعد مرور عدة دقائق حضرت إسراء إلى القصر ودخلت على سليم غرفته وكانت خائفة عليه وعندما دخلت قالت له :

مالك يا سليم خير أنا عرفت أنك كنت تعبان وكنت في المستشفى من عم سليمان مكلمتنيش ليه كنت جتلك .. وفي ايه .. وياه الي حصلك ؟

فرد عليها :

لا تعب قلبي رجعلي تاني بس أنا بقيت كويس .

فقالت :

رجعلك تاني ! أنت عندك مشكله في القلب ؟

أنا عندي ضعف في عضلة القلب وأي مجهود او أي حاجة مرهقة بتتعبني والمشكلة دي من وأنا صغير وأنا الفترة الي فاتت كان في كذا مشكلة ده الي تعبني شوية .

فقال :
الف سلامه عليك أعم سليمان قالي أنك محتاجني خير ؟

معاكي العربية ؟

اه معايا .

فتابع حديثه :

طيب هنوصل مشوار أنا وأنتي بس لو حد سألك قوليله
هنخرج نشم شويه هواء وهنرجع تاني .. ماشي !

فردت متعجبه :

ماشي !.

كانت إسراء متعجبه لأمر سليم وخاصة في الفترة الاخيرة
ولكن أصرت أن تبقى معه حتى يخبرها ماذا يحدث له !
ولكن لم يرد سليم على أي سؤال تساله له بشأن أحواله
فكان رده معها دائما :

بعدين هقولك ..

* * *

أتصل سليمان بشاري بيت الاسكندرية ليخبره بموافقة
سليم على البيع وعليه أن يأتي إلى القاهرة غداً لإتمام عملية
البيع والشراء في أسرع وقت بنائاً على تعليمات سليم .

لم يعرف أحد من عيال القصر أين ذهب سليم ولم يرد على أي مكالمه هاتفيه له حتى عاد ليلاً إلى القصر أو عندما وصل إلى القصر ونزل من سيارة إسراء كان في أنتظاره عم سليمان وأخبره بأن شاري بيت الاسكندرية سوف يأتي غداً ومعه أمواله كما طلبت .

فرد سليم :

تمام بلغ خالد خليه ميرو حش في أي مكان بكره ويبقى موجود .

فقال عم سليمان : حاضر يا بيه .

وبعدها ألقت إلى إسراء في سيارتها وقال لها :

معلش تعبتك معايا بس صدقيني المشوار ده مكنش حد ينفع يبقي معايا فيه غيرك .. مع السلامة

فردت :

لا متقولش كده يا سليم لو أحتاجت أي حاجة كلمني علطول.

تركها سليم ودخل إلى القصر متجهاً إلى غرفته لينام .. وفي صباح اليوم التالي أسيقظ سليم من نومه وخرج من غرفته ونزل إلى صالة القصر وطرق على غرفة خالد ليستيقظه من نومه ليكون في استقبال الضيف أفخرج خالد

من غرفته قائلاً :

هو في ايه يا سليم بيه عم سليمان بلغني أمبارح بليل أني
مخرجش علشان محتاجني بكره وأنت تصحيني دلوقتي في
ايه ؟

فقال :

أبدأ بعث بيت أسكندرية والمشتري هيجي دلوقتي ولازم
تبقى موجود معانا .

فرد خالد : سهله .

وبعدين عاوزه في موضوع ثاني بس المره دي مشوار بعيد
شويه بس حلوا ليك يعني .

سهله

فرد :

سهله دي بتاعه الشيطان ربنا أعطاه قدرات كبيره تخليه
يدخل على عقل الانسان كأنه يفتح صفحات كتاب
بيدخل على الصفحة اللي عاوزها علطول لكن النبي آدم
ربنا جعله صعوبات بتقابلها في كل حاجة في حياته وكل
حاجة بيعملها علشان يختبر صبره وأيمانه وفي الطريق ده
بيبقى هو ده الامتحان علشان ربنا يقدرله الحسنة او السيئة .

ايه ! الي تشوفه يا سليم بيه ييقى صح .

* * *

تتحدث إسراء مع صديقتها عن سليم وما يشعر ويعاني به
الفترة الاخيرة قائله :

مش عارفة ماله يا الاء نفسي يحكي لي على مشاكله او ماله
بس مش راضي كل حاجة يقولي بعدين !
فردت الاء :

طب وبعدين يا إسراء أخرت علاقتك بيه ايه ؟
فقالت :

مش عارفه بس هو بيحبني زي ما أنا بحبه بظبط بس
ماصر حنيش بأي حاجة او هو ناوي على ايه !
المشكلة الكبيرة انه شخص غريب على قد ما درست في
علم النفس والتعامل مع البشر ده انا مش عارفة أتعامل
معااه او حتى أفهمه الى زي ده صعب حتى أي دكتور نفسي
يحلل شخصيته .

* * *

جاء شاري بيت الاسكندرية إلى القصر لإنهاء عملية البيع
والشراء أخذهم خالد وسليمان داخل غرفة المكتب ودخل

معهم سليمان إلى الغرفة ومعه المحامي الخاص به وتم الاتفاق على البيع وتم أمضاء سليم على البيع وأمضاء عم سليمان بصفته أمين له بالمبلغ الذي اتفقوا عليه وتم وضع الاموال على المكتب ورحلوا ورحل المحامي معهم .

طلب سليم من خالد وعم سليمان أن يعدوا الاموال على يديهم وبعد مرور ساعه تم تأكيد المبلغ ثم فتح لهم سليم الخازنة ليضعوا الاموال داخلها أكان خالد ينظر إلى الاموال الموجودة داخل الخازنة بشهوة وطمع ثم أغلقها سليم وأغلق الغرفة وذهب كل منهم إلى مكانه أ وفي نهاية اليوم نزل سليم إلى غرفة الست زينة يتحدث معها قائلاً :

أزيك يا ست زينة من زمان مدخلتش قوضتك ولا قعدت معاكي فيها صح ؟

فردت متعجبه :

من أيام ما كنت صغير يا سليم بيه .

فقال لها :

وأخبار بنتك ايه دلوقتي ! عملت العملية ؟

فردت متردد :

اه عملتها يا بيه وبقيت كويسه .

فقال لها :

طب مش عاوزه يومين أجازة كده تروحيلها وتتعدي معاها وتشوفي أحفادك .

فردت بسعادة :

ياريت يا سليم بيه والله .

فقال لها :

من بكره تسافري ليها تقعدي يومين تغيري جو شوية وتيجي وهسيلك بكره مبلغ يبقى معاكي أكيد محتاجيهم .

خرج سليم من غرفة السيدة زينة وأتجه إلى غرفة عم أشرف وطرق على بابها ودخل جلس معه وقال له :

من زمان مدخلتش قوضتك ياعم أشرف !

فرد متعجبا :

من زمان يا بيه من وأنت صغير !

فقال له :

أنت بقالك كتير مرتحتش ياعم أشرف أنا هديك أجازة يومين تقعدهم مع ولادك تغير جو وتيجي تاني .

فرد بسعادة :

ربنا يخليك يا بيه .

فقال له :

من بكره تنزل أجازتك وهجهزلك مبلغ كويس يبقى
معاك أكيد هتحتاجه .

كرر هذا الموضوع مع عم عمران أيضا .

وذهب إلى خالد في غرفته ودخل عليه وقال له :

مالك يا خالد حاسك مضايق ومخنوق أوعى تفتكر أني
مش عارف ايه اللي مضايقك ألا عارف كل حاجة !

نظر إليه خالد بخوف وقال له :

عارف ايه بظبط !!

أنك محتاج تغير جو كده وتروق على نفسك أأفضل
الظرف ده في حجز فندق في العين السخنة غرفة زوجي
ومدفعه تقدر تطلع تغير جو شوية وخذ العربية معاك
علشان ترجعلي مبسوط .

فرد خالد وهو سعيد :

ربنا يخليك يا سليم بيه ماشي .

فرح خالد وأخذ الظرف من يد سليم وشكره .

خرج سليم من غرفة خالد متجهلاً إلى غرفة عم سليمان
وتحدث معه قائلاً :

أزيك يا عم سليمان ! أنت بقالك قد ايه مسفرتش بلدك
تظمن على ولادك !
فرد متعجبا :

من زمان يا بيه بس ليه بتقول كده !

فقال له : عاوزك تسافر تظمن عليهم كام يوم كده وترجع
تاني .

مش هسيبك في الظروف دي يا سليم بيه !.

أنا كويس يا عم سليمان وهبقى كويس أكثر لو عملت اللي
قولتلك عليه .

فرد عليه : قولتلك مش هسافر يا سليم بيه ومش هسيبك
على الاقل مش دلوقتي .

أنا عاوز أقعد يومين لوحدي يا عم سليمان صدقني هبقى
كويس لو عملت كده .

فرد عليه وهو حزين :

عمر الوحده ما كانت حل ولا بتريح يا سليم بيه .

فقال له غاضباً :

أنا مش باخد رأيك يا عم سليمان نفذ الي بقولك عليه
لو جادلتني تاني هيبقى أمر ومتوصلنيش لكده .

الى تشوفه يا بيه بس مش هسافر أنا ابن عمي عايش
مع أسرته هنا ومن زمان مشوفتوش هروح أقعد عنده
يومين أطمئن عليه وهرجلك تاني .

فقال له :

طب كويس بكره هيبقى معاك ظرف في مبلغ كويس خليه
معاك أكيد هتحتاجه ومن بكره الصبح تمشي .

فرد عم سليمان متعجباً :

أنا مش عارف أنت بتعمل ليه كده بس مقدرش أقولك
لا .

ترك سليم غرفه عم سليمان ثم ذهب إلى غرفته وهو يفكر
ثم أخرج تليفونه من جيبيه وطلب إسرائ وتحدث معها
قائلاً :

من بكره تنفزي الي قولتلك عليه وأنا بكره الظهر هبقى
في أنتظارك .

ثم أغلق تليفونه وذهب إلى غرفته ثم إلى وسادته ونام .

الفصل السابع

وفي صباح اليوم التالي غادر جميع عمال القصر واحداً تلو الآخر إلى أجازته التي أعطاها لهم سليم ولم يتبقى في القصر إلا عم سليمان الذي كان يحمل حقيته على كتفه ناظراً إلى سليم وأحس بانه فعل ذلك لأمر معين ! او هل يريد أن يعيش وحيداً ليحرب هذا الاحساس ! لم يفهم شئ وبعد ذلك غادر القصر ذاهباً إلى أحد أقاربه كما أخبر سليم أمس .

وعندما أصبح القصر خالياً لم يبق به أحد إلا سليم أخرج تليفونه وأتصل على إسرائء وعندما ردت عليه قال لها :
جاهزة ..

ذهب جميع العمال إلى قريتهم ليقضوا معهم يوميان وذهب خالد إلى فندق في العين السخنة مع أحد اصدقائه ..

وبعد مرور يومان عاد جميع العمال إلى القصر واحداً تلو الآخر حتى حضر الجميع إلا خالد كان سليم في أنتظارهم جالساً على إحدى مقاعد الحديقة معه جهاز صغير جديد يسمع عليه أغاني أم كلثوم وبعد مرور عدة ساعات حضر خالد هو الآخر بسيارة سليم إلى القصر وأجتمعا جميعاً حوله يحكي كل منهم ماذا فعل في أجازته وعندما سأله عم سليمان على هذا الجهاز الصغير أخبره بانه هدية من

إسراء لأسمع عليه أغاني أم كلثوم أفضل من الراديو .

فقال له عم سليمان :

أتمنى تكون أنبسط اليومين الي فاتوا يا سليم بيه .

فرد :

جداً يا عم سليمان والله كنت محتاج اليومين دول من زمان .. بس أنتوا وحشتوني بجداً وأنتي ياست زينة يلا أدخلي وجهزيلنا عشا كويس علشان نتعشى كلنا مع بعض .

فردت :

من عنيا يا سليم بيه يلا يا أشرف تعالى ساعدني .

وفي الليل أجمع جميع من في القصر على العشاء في مائده واحده يرأسها سليم القاضي يتناول الجميع العشاء سوياً وأخبرهم سليم بالأتى :

أولاً الفترة الجاية مش عاوز أسمع صوت أزعاج في القصر الدكتور قالي أنت محتاج هدوء أي تجمع ليكم او كلام او أي حاجة تعملوها في المطبخ جوه والاكل نفس النظام بردو !

كان أسلوب سليم في الحديث معهم لم يكن جيداً ولاحظ ذلك جميع من كان في العشاء وأخذ ينظرون جميعاً إلى بعضهم متعجبين من كلامه .

رد عم أشرف متعجبا :

راحتك أهم حاجة يا سليم بيه اللي تشوفه .

صمت سليم وجميع من كان على العشاء ثم تحدث لهم مرة
أخرى قائلاً :

ممكن أسالكم سؤال ؟؟

فأجاب الجميع بصوت واحد أتفضل !!

فقال :

لو قررت أسافر وأرجع لأهلي في باريس أتعرف عليهم
وأعيش معاهم أنتوا هتعملوايه في حياتكم ؟

نظر الجميع إلي بعضهم أيضا ولم ينطق أحد بشئ فتابع
سليم حديثه :

ده مجرد سؤال وأحب أعرف أجابته من كل واحد فيكم

فردوا جميعاً واحد تلو الآخر جميعهم نفس الرد ..

لا منعرفش يا سليم بيه .

فوجه السؤال إلى عم سليمان فرد :

يعني هعمل ايه يا بيه هرجع لبيتي وأولادي بس تخلي
بالك من نفسك .

قام سليم من المائدة وحمد الله على نهاية العشاء ومسح يديه بقماشته البيضاء وتركهم وذهب متجهاً إلى سلالم القصر ليصعد إلى غرفته ونادى على عم سليمان بصوت عالي قائلاً :

بعد ما تخلص عشاء أطلعلي فوق ياعم سليمان .

جلس عم سليمان على الطعام عدة دقائق مع بقيه العمال لم ينطق منهم بشئ جميعهم متعجبين من حديث سليم لهم على العشاء حتى قام عم سليمان ليصعد إلى حجرة سليم كما أخبره وبعد أن قام عم سليمان من المائدة نطق عم أشرف قائلاً :

شكل أيامنا في القصر بقيت معدوده !!

وبعدها رد عليه خالد غاضباً :

أهو ده اللي كنت خايف منه وعمال أقولكم عليه من زمان أحنا لازم نرجع نفكر في الموضوع بتاعنا تاني مش هنستنى لحد ما نطلع من هنا على فشوش !!

وأثناء حديث خالد لهم نظرت الست زينة إلى الارض حيث كان يجلس سليم فوجدت مفاتيح سليم واقعه على الارض ! مدت يدها وأخذت المفاتيح وقالت :

واضح أن المفاتيح وقعت من جيب سليم بيه غضب عنه ، أنا هطلعاه !

قاطع خالد حديثها قائلاً :

تطلعها ليه ! هتيها بس دي فرصتنا وجاتلنا لحد عندنا
هاقي المفاتيح دي بس ..

أخذ المفاتيح من يد أمه وتابع حديثه :

المره دي محدش غريب هينفذ أحنا الى هنفذ مش هنستنى
لحد ما نضيع الفرصة دي من أدينا !!

أخذ يطرق عم سليمان على باب غرفة سليم ولكن رد
عليه سليم قائلاً :

ثواني يا عم سليمان متدخلش إلا لما أقولك وكان يحمل
جهازه الصغير في يديه !

يتحدث خالد مع العمال قائلاً :

معايا ولا هنمشي على الفاضي أنا لسه صغير وهروح
أشتغل في أي حاجة أنتوا اللي كبرتوا ومش حمل شغل ..
معايا ولا لا !!

فرد عليه كل من عمران وأشرف وهم ناظرين على الارض
بخجل قائلين :

معاك يا خالد !!



فتح سليم الباب وطلب من عم سليمان الدخول فساله
عم سليمان :

محتاجني في حاجة يا سليم بيه ؟؟

عاوزك تقعد معايا شويه ياعم سليمان .. مش شرط نتكلم
محتاجك تبقى قاعد جنبني مش أكثر .

أنصرف الجميع من العشاء وذهب كل منه إلى مكانه وخرج
عمران إلى الحديقة ودخل خالد غرفته وبعدها دخلت عليه
أمه وسالته :

ناوي تعمل ايه !!

فرد :

هعمل اللي بفكر فيه من زمان يا أمي دي أحلى فرصه
جاتلنا وسليم كده كده هيفرط فينا وهييعنا فنبداً أحنا
الاول أنا في نص الليل هدخل القوضه وأنا حافظ الرقم
السري كويس وهجيب الفلوس ونخبيها في أي مكان لمدة
كام يوم او لحد ما نفكر هنعمل ايه المهم ننفذ النهاردة ،
وربنا يسهلها المرادي !

يتحدث عم سليمان مع سليم قائلاً :

فكرتني بيوم وفاة أبوك ساعتها خوفت عليك تنام
لوحدك فمت معاك النهاردة الوضع مختلف وشك مش

مريخني لدرجة إنني أنا اللي خايف أسيبك لوحدك !

فرد سليم :

خليك يا عم سليمان متزلش النهاردة !

ثم وضع سليم سماعته داخل أذنه وترك عم سليمان جالس بجانبه أو بعد عدة ساعات والساعة تقترب من الواحده بعد منتصف الليل لبس خالد طقم أسود اللون وقام بتغطيه وجهه ورأسه لم يظهر إلا عينيه ثم فتح باب غرفته ونظر حوله يتأكد بعدم وجود أحد داخل القصر ثم ذهب إلى غرفة المكتب وقام بفتحها بما فيح سليم ودخل الحجرة ، وفي تلك اللحظة قام سليم من مقعده مسرعاً وقال لعم سليمان :

عم سليمان في صوت غريب تحت تعالى ننزل نشوف في ايه !

فرد متعجباً :

بس أنا مش سامع حاجة يا بيه !!

فقال له :

أنا سمعي أقوي منك يلا بسرعه !

فتح باب الغرفة وخرج سليم وعم سليمان ونزلوا السلم مسرعاً وقال سليم لعم سليمان :

أتأكد كده أن قوضة المكتب مقفوله !

ذهب إليها عم سليمان وكان سليم يتابعه في ظهره وعندما مسك الباب وحاول فتحه فتح معه الباب ولما فتح فوجئ عم سليمان بشخص يحاول فتح الخازنة فنادى بصوت عالي قائلاً :

حرامي يا سليم بيه في القوضه نادي على خالد بسرعه .

دخل إليه عم سليمان مسرعاً ليحاول أن يمسك به ولكن جرى وحاول أن يقفز من شرفة الحجرة ولكن أمسكه عم سليمان وأخذ ينادي بصوت عالي «حرامي» «حرامي» حتى أمسك خالد وهو ملثم فافظه كانت عالقه بجانب الشرفة وضربها على رأس عم سليمان فسالت الدموع وغطت وجهه فهرب من الشرفة ووقع سليمان على الأرض فاقدًا الوعي من شدة الضربة !

ذهب سليم إليه بعد سماع صوت الضربة وعندما لمسه بيديه ليطمئن عليه شعر بالدم وهو في يديه وأخذ يصرخ بصوت عالي :

عم سليمان .. رد عليا يا عم سليمان .

كان ينادي بفزع شديد وخوف عليه وأخذ ينادي علي خالد :

يا خالد ألحقني يا خالد .

فى هذه اللحظة دخل خالد غرفته عن طريقه شرفته وقام بتغيير ملابسه فى ثواني وخرج ويده عصا وحضر إلى غرفة المكتب ودخل عليهم وهو يحاول التمثيل عليهم بأنه مفزوع ويقول بصوت عالي :

هو فى ايه .. ايه الي حصل يا سليم بيه ماله عم سليمان ؟
فرد سليم :

كان فيه حرامي وضرب عم سليمان وجري !
وقف خالد عند شرفة الغرفة ونادى على عم عمران
بصوت عالي قائلاً :

الحقه ياعم عمران وشوف الحرامي وأمسكه بسرعة !
فقال له سليم :

سيبك من الحرامي والحقوا عم سليمان بسرعة .
قاموا بوضع قماشه على رأسه حتى تمنع نزيف الدماء
وحمله كل من أشرف وخالد إلى السيارة وركب معهم سليم
وقال لعم أشرف :

أنزل أنت أنا هروح أنا وخالد أخليك أنت مع عم
عمران ليكون فى حد فى القصر وخلي بالكم من نفسكم !
ذهب كل من خالد وسليم بالسيارة ومعهم عم سليمان

فاقداً للوعي نتيجة الضربة على رأسه وأخذ يحكي له
 سليم عما حدث حتى وصلوا إلى المستشفى ودخلوا إلى
 غرفة الطوارئ! أما سليم وخالد فكان في أنتظاره خارج
 الغرفة ينتظرون الطبيب عندما يخرج ليطمئنا على حالته
 وأثناء أنتظارهم حضر إليهم أحد رجال الشرطة ليأخذ
 أقوالهم ولكن أخبره سليم بأنه وقع على الأرض وسقطت
 فاضه على رأسه وأنكر سليم أي شئ آخر حتى أنصرف
 فرد الشرطة وبعدها تحدث معه خالد قائلاً :

هو ايه اللي بيحصل يا سليم بيه مش أول مرة !

فرد متعجباً :

مش عارف بص يا خالد أنا عاوزك توصل لحد القصر
 خليك هناك وخلي بالك من القصر مع عم عمران أنا
 حاسس أن في عصابة كبيرة هيا اللي بتخطط لسرقة القصر
 روح أنت وأنا هبقى أظمنك .

فرد عليه :

مش هينفع أسيبك وأسيب عم سليمان في الحالة دي !

قولتلك هظمنك أول ما أظمن عليه !

ذهب خالد وأخذ السيارة وذهب إلى القصر أما سليم
 فظل منتظراً حتى خرج الطبيب وحينها تحدث معه قائلاً :

حضرتك الطبيب معلش رد عليا انا سليم القاضي الكفيف
طمني على عم سليمان الي مضروب على راسه !
فرد عليه الطبيب :

هو كويس الحمد لله محصلش أي نزيف داخلي والضربة
جات سطحية لكن عملته أرتجاج في المخ علشان كده
فاقد الوعي وأخذ كام غرزه علشان الجرح كان كبير بس
تقدر تدخله دلوقتي .

أخذت إحدى الممرضات يديه وأدخلته إلى سرير عم
سليمان أوصل خالد إلى القصر وأثناء نزوله من السيارة
ذهب إليه عم عمران ومسكه من ملابسه بشده وقال له
غاضباً :

أرتحت أديك كنت هتموته أحنأ متفقناش على كده !
فرد عليه غاضباً :

مكنش قدامي حاجة غير كده أالراجل مسكني وكان
هيكشفني .

فقال له عم عمران :

مهو أكيد عرفك !

هو أنا غبي كنت مغطي وشي ومعرفنيش أكيد .

تعالى ندخل نشوف هنعمل ايه بسرعه !

جلس خالد بجانب عم سليمان ومسك يديه وأخذ ينادي عليه حتى رد عليه عم سليمان بصوت ضعيف متأثراً بأصابته قائلاً :

أنا كويس يا سليم بيه أطمئن !

فرد عليه سليم وهو حزيناً :

أنا أسف يا عم سليمان أنا السبب مكونتش عامل حسابي أنك ممكن تتأذي أمكونتش أعرف أنها هتوصل لكده ساحمني !

حاول عم سليمان القيام من نومه وبدأت حالته تتحسن تدريجياً ولكنه كان يعاني بألم شديد في رأسه ورد عليه قائلاً :

بتأسف ليه يا سليم بيه وأنت زنبك ايه أنا الي أسف معرفتش أمسكه وأحمي نفسي بس السن بقى أمعدش عندنا صحه زي زمان !

فقال له :

قبل ما نتكلم في أي حاجة لو أي حد من الشرطة جه سألك أي حاجة قوله مفيش حاجة ودي حادثة قضاء وقددر مفهوم ؟

فرد عليه :

منا لازم أقول كده يا سليم بيه علشان الحقيقة مينفعش
تتقال !

فساله سليم بتعجب : ليه مينفعش تتقال !

فتابع عم سليمان حديثه :

يا سليم بيه العيون اللي بصتلي قبل ما تضربني أنا عارفها
كويس للأسف أيا سليم بيه اللي عمل كده .. قاطع سليم
حديثه قائلاً :

خالد مش كده !

قام عم سليمان من نومه جالساً وقال متعجباً :

أنت عرفت منين يا سليم بيه هو حد مسكه !

فرد :

لا محدش مسكه وهو اللي جابك المستشفى كمان .

طب عرفت منين ؟

مش وقته ..

المهم تاني حاجة أنا عاوزها منك تمثل أنك فاقد الذاكرة
.!

ليه يا سليم ييه !.

فقال :

أسمع كلامي انا عارف أنا هعمل ايه والي بقولك عليه
ده علشانك وعلشاني .

ماشي يا ييه .

فقال له :

آخر حاجة عاوزها منك ومن غير أعترض او جدال
أنك هتطلع من المستشفى دي لأول طيارة رايحه السودان
.. أرجع بقي يا عم سليمان لبيتك وأولادك وكمل بقيت
عمرك معاهم !

أعترض عم سليمان على كلام سليم قائلاً :

لا طبعاً مش هسيبك في الظروف دي أياه اللي أنت بتقوله
ده يا سليم بيه مستحيل !

فقال له :

عم سليمان ده مش طلب ده أمر أنا مش هسامح نفسي لو
جرالك حاجة بسببي كفايا عليك كده أنا كل يوم بعرف
عن اليوم اللي قبله ليه أبويا ساب كل الناس دي وخلاك
أنت واضي وأمين عليا .. شكراً على أخلاصك وحبك ليا
وأنت أبويا اللي ربنا يا عم سليمان .. أنا حولتلك مبلغ

كبير على حسابك في البنك يكفيك طول عمرك أرجع
لييتك وأولادك ياعم سليمان .

بكى عم سليمان وسالت دموعه حزناً لما قاله سليم أو
آخر كلمه قالها لعم سليمان :

نتقابل على خير يا راجل يا طيب .. ثم قبل رأسه وتركه

* * *

يجلس خالد مع أمه في القصر يتحدث معها عما حدث
قائلاً :

أنا خلاص لسه بفتح الخازنة وسمع صوت أكره الباب
بتفتح سيبتها ولسه بجري مسكني من هدومي مكنش
قدامي حاجة غير أني أضربه بفاظه كانت قدامي أسليم ده
محظوظ كل مرة الموضوع يبوظأ وكل مرة الزفت الى أسمه
سليمان هو الي بيوظلنا الدنيا !.

فردت قائله :

تفتكر شاف وشك ؟

معتقدش أنا كنت مخبي وشي أصلا .. معرفش بقي ربنا
يستر ! بس لو شافني أنا هضطر أهده او أقتله كمان لو
لزم الأمر ..

فردت عليه بتعجب :

طب هنعمل ايه دلوقتي ؟

كل اللي أقدر اقولهولك أن الخازنة موجودة وسليم وسليمان مش موجودين وأنا شايف أن دي أحسن فرصة نخلص من الموضوع ده أبصي يا أم خالد أنا هخلص الموضوع ده الليلة دي ومش هاخذ كل الفلوس اللى في الخازنة أنا هاخذ اللي يخلينا نهب على وش الدنيا أعلى أساس لو فتح الخازنة وحس بأيده يلاقي فلوس ويسكت وأنا هرصهم بصريقة حلوه وناخذ الفلوس ونخيههم في مكان أو الله الدنيا مشت تمام خلاص نخلينا زي ما أحنأ وتقسم الفلوس ونمشي ومحدث هيعرفلنا طريق أو لولقينا الدنيا لبش نمشي علطول وكده كده الفلوس معانا ونقدر نعمل بيهها أي حاجة وسليم أساساً معملش محضر وأنكر قدام أمين الشرطة أي حاجة أعني الدنيا ماشيه تمام لحد دلوقتي أوسليم مش شاكك فيا بالعكس ده حكالي على كل حاجة وقالي روح خليك في القصر وخلي بالك منه ! طب ايه ؟؟

فردت : يلا بينا بس خد عمران معاك وانا وأشرف هنراقب الدنيا .

* * *

ترك سليم المستشفى وأتصل على إسرائ وأخبرها أن تأتي إليه في أسرع وقت وأنه في أنتظارها عند المستشفى .. فردت

متعجبه وعلامات الخوف تظهر عليها :

في ايه يا سليم طمني ! طب أنت كويس ؟

اه أنا كويس متخفيش تعالى .

حاضر مسافة السكة .

جلس سليم بجانب المستشفى منتظراً قدوم إسرائ ..

* * *

دخل خالد غرفة المكتب من بابها وكان معه عمران وقام
بفتح الخازنة بالرقم السري الذي حفظه وقاموا بسرقة
المال في حقيبة سوداء كان يحملها عمران في يديه ولكن لم
يسرقوا كل ما فيها أفقد تركوا جزء صغير ونظموه بطريقه
مقعينه في المقدمة إذا أحسن سليم المال بيديه يجدة فيصمت
!

أغلق خالد الخازية مرة أخرى وتركوا الغرفة وأغلقوها
وذهبوا مسرعين إلى غرفته وأغلقوها فقال عمران لخالد :

وبعدين هنعمل ايه ؟

فرد عليه :

الفلوس دي هتتشال في مكان الجن الازرق ميعرفش مكانها
لحد ما نظمن سليم ناوي على ايه !

أخذ عمران الاموال المسروقة وقال له :

أنا هشيّلها في مكان فعلاً الجن الازرق ميّعرفش طريقة
عندي في القوضة في صندوق خشب هحطها فيه وهدفنها
تحت الارض .. تحت السريّر علطول .

فقال له خالد :

تمام حلّو المكان ده ونشوف الدنيا هتمشي أزاي أول ما
سليم ييجي وبناء عليه هنقرر هنعمل ايه بظبط .

أتصل خالد بسليم ليّعرف أخبار عم سليمان لمّعرف ما
حدث له ليقرار ماذا سيفعل !

فرد عليه سليم :

تمام هو فاق شوية يا خالد بس مش فاكّر حاجة ولا
فكرني أصلاً للأسف الضربة خلّيته فقد الذاكرة .. أنا جي
القصر هنام شوية وبكره الصبح هرّحله أطمّن عليه ..
أنت ايه أخبار الدنيا عندك ؟

فرد خالد وهو سعيد :

لا تمام .

نطق خالد هذه الكلمة بفرحه وطمئنينه وأغلق التليفون
ورد على جميع العمال قائلاً :

كده تمام والامور ماشيه كويس هنضطر نهدي شوية لحد
ما نفكر في أحسن حل !

* * *

وصلت إسراء بسيارتها إلى المستشفى التي أخبرها بها سليم
ورآته كان واقفاً بجانب الطريق أوقفت سيارتها بجانبه
ونادت عليه ونزلت من سيارتها تأخذه من يديه ليركب
معها وتحدثت معه وهي مضطربة قائلة :

أزيك يا سليم في ايه طمني عليك ؟

انا كويس الحمد لله .. أنا جيتك علشان في ورق عاوز
أديولك !

فردت بتعجب :

ورق ايه ؟

هتعر في كل حاجة في الوقت الي المفروض تعرفيها فيه بس
أطلعني على القصر دلوقتي .

أخذته إسراء بسيارتها وذهبت به إلى القصر وعندما نزل من
السيارة أخبرها بأن تنتظره عدة دقائق وفتح باب السيارة
ونزل منها ودخل القصر .

وعند دخوله القصر كان ينتظره كل من خالد وأمه وعمران
وأشرف وعندما سالوه عن صحه عم سليمان لم يرد عليهم

وواصل طريقه إلى غرفته وأخذ ظرف كان واضعه في إحدى
أدراج الغرفة ونزل ليعطي الورق إلى إسرائ وقال لها :

أنفصلي خلي الظرف ده معاكي !

فردت : ايه ده !!

فقال :

أتني فاضلك أد ايه على مناقشة رساله الماجستير بتاعتك ؟

بعد ثلاث أيام بظبط !

تمام الظرف ده متفتحوش إلا بعد ما تخلصي المناقشة لو
بتحيني بجد أسمعني كلامي .. توعديني بكده !

فردت متعجبة :

أوعدك يا سليم .

أنفصل وخلي بالك من نفسك .

أخذت إسرائ الظرف من سليم متعجبه من كلامه وأفعاله
ثم ركبت سيارتها وغادرت القصر وبعدها نظر سليم
إلى القصر فكان في أنتظاره عمال القصر واقفين على بوابة
القصر الداخلية فأحس بوجودهم سليم وقال لهم :

عم سليمان الضربة عملتله نزييف في منطقة الذاكرة ومش
فاكر أي حاجة ولا أفكرني أصلاً كلمت إسرائ وحجز ناله

تذكرة سفر علشان يرجع يكمل الي فاضله من حياته مع بيته وأولاده .. ربنا يتولاه برحمته الواسعة ألي حصل لعم سليمان كان ممكن يحصلي أو يحصل لأي حد فيكم بسبب أن ناس مش شايفه شغلها كويس لازم نركز بقى الفترة الجاية دي وكل واحد يخلي باله أنا قولت للشرطة أنها حادثة عادية علشان وجع الدماغ الي ملهوش لازمة والي مش هيقدم حاجة ألو كبرت على شغلانه الحراسه ياعم عمران ان ممكن أجيب أمن يقف معاك ويساعدك ! أكل واحد فيكم يخلي باله من نفسه ومن القصر أنا محتاجكم جداً الفترة دي معايا .. لازم نبقي أيدنا في أيد بعض لحد ما نعرف مين الخسيس الي بيعمل فينا كده أنا هطلع قوضتي أنام شوية وبعدين بكره الصبح هنشوف هنعمل ايه ! يلا الي عنده شغل يروح شغله والباقي يروح ينام أكيد أنتوا تعبانين !!

تركهم سليم ودخل القصر متجها إلى غرفته وكان علامات الغضب تملأ وجهه أما خالد ومن معه فكانوا فارحين أ فحديث سليم معهم جعلهم مطمئنين حتى ذهب كل منهم الى غرفته أظل سليم في غرفته حزينا حتى أخذ أدويته المهدئه لينام قليلاً .

يتحدث خالد إلى عمال القصر قائلاً :

الحمد لله كل الي خايفين منه محصلش أنا رأيي نهدي كده

لحد ما نفكر صح الخطوة الجايه ايه ! وأنت يا عمران خلي بالك من الامانة لحد بكره بليل ناخذها ونقسمها على بعض وكل واحد ياخذ نصيبه ودلوقتي كل واحد يروح قوضته بقى الفجر قرب يأذن نلحق نناملنا شويه علشان نعرف نفكر .

وفي صباح اليوم التالى يستيقظ خالد من نومه وفتح عينيه إذ يتفاجأ برجلان من رجال الشرطة فوق راسه وقال له أحدهم :

صباح الفل يا جميل ..

وقال الآخر :

قوم يا روح أمك .

ثم أخذوه بعنف من سريره وخرجوا به إلى صالة القصر حاول خالد أن يمنعهم ولكن لم يستطيع حتى خرج من غرفته معهم وأخذ يردد قائلاً :

أنتوا ماسكيني ليه كده سيبوني .. في ايه !

حتى وصل إلى صالة القصر ويتفاجأ بعدد كبير من رجال الشرطة تملأ القصر وبينهم كل من أمه وعمران وأشرف جالسين على الارض والشرطة بجانبهم بقيادة الضابط منير وسليم جالسا على إحدى مقاعد الصالة ناظراً إلى الارض وفي حالة صمت ..

الفصل الثامن

الجميع موجود داخل القصر خالد وعمران وأشرف
والست زينة وقوات الشرطة وسليم والظابط منير ..
فتحدث أشرف قائلاً :

في ايه يا سليم بيه !

كان سليم جالساً على مقعده ناظراً إلى الارض لم يرد عليه .

فرد أحد أمناء الشرطة :

أنتوا متهمين بسرقة قصر سليم القاضي !

فردت الست زينة :

أزاي يا بيه وأحنا أصحاب القصر أصلاً وعاشين فيه
ولحم أكتافنا من خيريه !

وقال عم عمران :

عمرنا ما نعمل كده يا بيه وسليم بيه عارف كده كويس !

ورد خالد :

مين اللي قال كده يا فندم وايه اللي يثبت كلامك ده وايه
دليلك عليه !!

فرد الظابط منير : سليم بيه !

فرد عليه خالد :

لا طبعاً يا باشا مفيش الكلام ده وبعدين ده أعمى عرف
منين أنا اللي سرقناه وهو عارف أن القصر أ تعرض
للسرقة أكثر من مرة وأحنا اللي لحقناه وعم سليمان معانا .
أنكر جميع عمال القصر ذلك الاتهام وأخذ يكذبون جميعاً
ويقولون « ده أعمى يا بيه هيعرف منين .. وأزاي تصدقوه
»

نظر الجميع إلى سليم والذي كان صامتاً لم يرد على كلام
أحد حتى خرج من صمته قائلاً :

أكبر غلطه أرتكبتها في حق أنفسكم أنكم عاملتوني أني
شخص أعمى ! أنا عارف كل كبيرة وصغيرة بتحصل هنا
في القصر .

فقال له خالد :

عارف ايه بظبط لو عند حضرتك دليل يا سليم بيه قوله

ضحك سليم ضحكه ساخره وتحدث قائلاً :

الحكاية أبتدت بالست زينة لما طلعتها فلوس تحاسب
عامل الصيانة وقررت أنها تاخذ نص الفلوس وتحطها
في جيبها ورجعتلي الباقي .. كانت أول مرة بس مكتش
الاخيرة أكررتها تاني لما جات تستلف فلوس عملية بنتها

لما خليتها تعد وتأخذ الي هيا عاوزاه كررت نفس العملة
وخذت ضعف الي كانت طلباه مع أي أتأكدت بليل في
اليوم ده أن بنتها مش هتعمل عملية ولا حاجة بس عديتها
.

نظرت الست زينة إلى سليم مصدومه من كلامه كيف
عرف ذلك !

وتابع سليم حديثه :

أغيرتوا كلكم وأتفقتوا أنكم تسرقوني لأسباب وهميه
عمرها ما كانت هتحصل أدخل الحرامي القصر أول مرة
كانت بوابة القصر مفتوحة ليه وشباك قوضة المكتب كان
لما قررت الست زينة تنصف القوضة بحجه أنها من زمان
متنصفتش وسابت الشبك مفتوح أودخل الحرامي وكانت
كل الابواب مفتوحة ليه ! ولما عم سليمان كشف الموضوع
صدفه وضرب نار أنا كنت صاحي اليوم ده صدفه وهرب
الحرامي ودخل القصر ولما دخلت أصحي خالد علشان
يمسك الحرامي لقيته مخبي الحرامي في قوضته ! أودي كانت
الصدمة الي خليتي أتعب وأتجيز في المستشفى تاني يوم ! أ
ومش كده وبس الشيطان وسوس في ودانكم تاني وقررتوا
تسرقوا القصر تاني بس المرة دي محدش غريب يدخل
القصر أبعد ما رجعتوا من الاجازة أنا كنت عارف أنكم
ناوين على كده رميت مفاتيح المكتب على الارض بالقصد

لما كنا بتتعضى مع بعض وأخذت عم سليمان من وسطكم
 علشان تاخده رحتكم فى الكلام وتخططوا وبعدها خالد بيه
 أخذ المفتاح ولقى أن دي أحسن فرصة انه ينفذ عملياته اللي
 يفكر فيها من زمان وقرر أن الليلة يسرق اللي فى الخزانة
 أوقرر فى نص الليل وكل الناس نايمه انه يفتح القوضه
 ويسرق الخزانة ساعتها عم سليمان كان معايا فى القوضه
 قولاته أن فى صوت تحت ويلا نلحق بسرعه ليكون حرامي

وأحنا تحت قولت لعم سليمان يتأكد أن باب قوضة
 المكتب مقفول ولما راح يشوف بنفسه كان باب القوضه
 مفتوح وفتح معاه فى نفس الوقت اللي كان خالد بيحاول
 يفتح فيه الخزانة أكل اللي كنت عاوز أوصله فى اللحظة
 دي أن الفضيحة تبان أكن اللي معملتش حسابه أن عم
 سليمان كان ممكن يشتبك معاك وقدرت تضربه بأله حادة
 على راسه علشان تهرب أروحت الحق عم سليمان وكنت
 خايف الضربة تموته بس الحمد لله لحقناه ووديناه المستشفى
 وأساعتها مشيتك يا خالد بحجه أنك تخلي بالك من
 القصر بس اللي فى دماغى غير كده وأنت تكمل خطتك
 الشيطانية اللي بتفكر فيها وأهى فرصة أنا وعم سليمان
 مش موجودين والى حسبته لقيته وحصل بالفعل ونفذت
 خطتك اللي أنا بساعدك فيها أكذبك عليكم وقولتلكم
 أن عم سليمان فقد الذاكره لسبيين السبب الاول خوفت

عليه من الي قلوبهم بقيت سودا والقلب الي يقرر يسرق
ممكن يقتل او يعمل أي حاجة أخوفت لتأذيه لما عرفك من
عينك قبل ما ضربه على راسه وهربت .

السبب الثاني أنكم تظمنوا وتنفذوا بقيت خطتكم الي
فكروا فيها أبس الي مضحكتش عليكم فيها أن عم
سليمان هيسافر لبلده وبيته وأولاده بس وهو سليم الحمد
لله مكونتش هسامح نفسي ولا هسمحكم لو كان جواله
حاجة وبعد ساعات قليله هيبقى في بيته .

الجميع في حالة صدمة من كلام سليم ! ولكن قاطعه خالد
متردداً في حديثه من الخوف قائلاً :

يا باشا ده أعمى هيعرف الكلام ده منين وعلى فكره كل
الي يقوله ده مش صح وبعدين حضراتكم عاوزين أثبات
فين الاثبات في الكلام ده ؟

رد الضابط منير عليه :

ومين قالك أن مفيش أثبات او دليل يدينكم !!

فرد الجميع قائلاً : ايه الدليل وفين

فرد سليم :

من كام يوم ولما عرفت أنتوا ناوين على ايه عملت حساب
سؤال زي ده الدليل او الاثبات .. قررت أنكم تنزلوا أجازة

كلكم ألي راح لأهله والي راح لبيتته والي راح العين السخنة
 يغير جو المهم فضيت القصر بحجة أني محتاج أعيش يومين
 هدوء في الوقت ده أدت علم للضابط منير أنى هجبله
 أثبات أن القصر هيتسرق وهنا بدأت مهمه إسراء لما كلمتها
 والي أتفتت مع شركة كاميرات سرية تغطي القصر في
 أماكن محدش يشوفها ولا ياخذ باله منها وكل الي حصل
 من ساعة ما رجعتوا من الاجازة متصور مش كده وبس
 ده صوت وصوره كمان ألي زرع الكاميرات هو نفس الي
 زرع الساعات وحطيتها في أماكن معينه في قوضة خالد وفي
 المطبخ وقوضه الست زينة وقوضة المكتب كمان الباب لما
 يفتح يخطط الساعه وهنا عرفت أن باب القوضة أتفتح
 وأما قولتلكم مش عاوز صوت في الصالة وكل قعدتكم
 وأكلتكم تبقى في المطبخ علشان تقعدوا في الاماكن الي فيها
 الساعات وأقدر أسمعكم والجهاز الصغير الي قولتلكم انه
 جالي هدية علشان أسمع بيه أغاني أم كلثوم كنت بسمعكم
 أنتوا وعرفت كل حاجة أتكلمتوا فيها من ساعة العشاء
 وبردو قومتم عم سليمان علشان تفكروا وتخططوا براحتكم
 وأنا كنت سامع كل كلمه بتقولوها أيعني الدليل يا جماعة
 موجود صوت وصوره وموجود دلوقتي مع الضابط منير
 .. عاوزين تعرفوا ايه تاني ؟

رد عم عمران على سليم وهو حزين وفي عينيه نظرات من
 الندم قائلاً :

بص يا بيه أنا لولا عايش مع حضرتك العمر كله
وعارف ظروفك أنا كنت قولت عليك أنك بتشوف بس
أنا عارف أن ده مش صح طبعاً يا سليم بيه أنا أول واحد
هحط الحديد في أيدي وجاهز لأي عقاب حتى لو أعدام
مش مهم أنا غلط لما مشيت ورا الشيطان ولازم أتحاسب
على غلطي بس قبل ما ده يحصل قولي أنت عرفت ده كله
منين ؟

فرد عليه سليم :

هقولك يا عم عمران أنا عرفت منين !

وانا صغير بعد الحادثة ولما حياتي أتحوّلت من النور
لضلمه سمعت أبويا الله يرحمه كان بيدعي ربنا دعاء
مكونتش فاهمه ساعتها وهو « يارب لقد أخذت منه أعز
نعمك عوضه خير وأنت نعمك لا تعد ولا تحصي » وربنا
أستجاب لدعائه ..

بعد كام يوم كانت في حاجة غريبة بتحصلي ودخلت لبويا
قوضته لما التعب بدأ يظهر عليه وساعتها قولتله :

فلاش باك ..

باب أنا في حاجة غريبة بتحصلي وعاوز أقولك عليها ..
وساعتها رد عليا وقالني :

خير يا أبني في ايه ؟

انا بقالي كام يوم بحلم باليوم اللي بيعدي عليا وأنا نايم
بليل !

فرد وكأنه كان متعجبا : أزاي مش فاهم ؟

بقضي اليوم ولما بنام بحلم باليوم اللي بقضيه وبشوف كل
حاجة حصلتلي في الحــــلم !

أعترفتله بكده في اليوم اللي بعد ما قدملي في المدرسة..
مدرسة المكفوفين .

ساعتها حسيت بالسعادة في وشه وبعدين قعد يسألني كذا
سؤال منهم :

أنا أمبارح خدتك بالعربية الجديدة علشان أقدملك في
المدرسة قولي شوفت لون العربيه ايه في الحلم ؟

أحمر !!

وسألني تانى : طب روحنا المدرسة وقابلنا موظف سالناه
على مكتب المدير صح شوفته أزاي في حلمك ؟

اه كان لابس بدله لونها أزرق وطلعنا الدور الثاني قابلنا أبله
نور .

صح شوفتها ايه في الحلم ؟

قولتله كانت سنها كبير وكان لابسه حاجة لونها كحلي او

أسود مش فاكر .

وساعتها سمعت صوت أبويا وهو بيعيط من الفرحة
ودموعه كانت بتنزل على أيدي كنت مستغرب هو ليه
ييعمل كده بس مع الوقت عرفت هو ليه كان سعيد .
وساعتها خدني بالحضن وقالي جملة انا لسه فاكرها لحد
لوقتي :

العودة للواقع ..

قالي ربنا ممكن ياخد من النبي آدم نعمة كبيرة موجودة
عند الناس كلها بس بيعوضنا بنعم غيرها محدش يعرف
عنها حاجة أنعمه كبيره ولو تخيلناها مش هنوصل لعددها .

وده اللي حصل معايا بظبط وساعتها قالي بردو أن اللي
حصل ده والنعمة دي لازم تفضل سر بيني وبينك واليوم
الي الناس هتعرفها ممكن تزول عنك وعهدته أني مش
هقولها لحد أو من ساعتها كل يوم كان بيعدي عليا كنت
بشوفه في الحلم وكنت بعرف كل حاجة وأنا نايم حتى
خيانتكم ليا كنت في عز مشاكي كنت بسييكم وبنام مش
جبا في النوم لا علشان أشوف وأعرف ايه اللي حصل !!

أنا النهاردة طلعت السر اللي أحفظت بيه العمر كله
وخلاني أعرف الناس على حقيقتها أديكم عرفتوا وأنا

حاسس بمجرد إنني أقولكم عليه ممكن يزول مني .

أنا فعلا مش عاوزها مش عاوز أنخدع في حد ثاني !

أحيانا الافضل أنك تعيش مخدوع في ناس معينه أحسن
من أنك تعرفهم على حقيقتهم .. وياريتني فضلت مخدوع
فيكم !

فقال له عم أشرف :

يعني ايه يا بيه أنا دماغي لفت ؟

فقال له : يعني أنا حياتي ضلمه في الوقت اللي الناس كلها
حياتها بتبقى في النور .. وحياتي بتنور لما كل الناس بتبقى في
الضلمة .. أنا الاعمى في حياتي وبصيراً في أحلامي ..

صمت الجميع ونظر كل منهم إلى الارض أحدهم يشعر
بالندم والآخر يبكي على عملته وما سمع من سليم
وأستسلموا للشرطة .

فقال لهم الضابط منير:

أقبضوا عليهم ويلا بينا ..

أخذ العساكر عمال القصر ومشوا عدة خطوات خارج
القصر ليأخذوهم إلى قسم الشرطة أولكن نادي عليهم
سليم بصوت عالي قائلاً :

أستنى يا حضرة الضابط في حاجة أخيره عاوز أقولكم عليها ..

وقف الجميع لسمعوا كلام سليم .. فتابع حديثه قائلاً :

أنا لما فوقت بعد الحادثة ولقيت حياتى بقيت عبارة عن ضلمة وعرفت أني هعيش طول حياتي كده متصدمتش قد ما أتصدمت لما عرفت أنكم بتعملوا فيا كده أسيبهم يا حضرة الضابط الناس دي بريئه ومسرقتش حاجة !؟

نظر إليه الجميع بدهشه وتعجب ومنهم الضابط منير وقال لسليم :

ايه الي أنت بتقوله ده يا سليم بيه ! بريئه أزاى بعد الي قولته ده كله ؟

فقال له :

أنا عملت كده وجيتكم هنا علشان أواجههم وأقولهم على كل حاجة وأعرفهم أد أيه طلعا وحشين قدامي وقدام نفسهم بس في حاجة مهمه لازم تعرفوها !

أخرج سليم ورقة من جيبه وأعطاه للضابط منير وقال له :

دي دليل براءة الناس دي قدامكم .. الورقة دي أنا كاتبها من كام يوم مع المحامي لما أتجزت في المستشفى وأنا في

كامل قوايا العقلية الورقة دي فيها تنازل مني عن كل الاموال الي موجودة في الخازنة لصالح الناس دي وبكده يبقى مسرقوش حاجة دي فلوسهم أسييهم يا حضرة الضابط أو أنا جاهز لأي محضر أزعاج للسلطات عمله معايا ولو هتقبض على حد من هنا أقبض عليا أنا !.

نظر الجميع إلى سليم وهم ييكون بخجل وفارحين في نفس الوقت لأنهم لم يسجن أحد منهم وحينها أقرب الضابط منير من سليم وأخذ الورقة من يده وقراها ثم مال على سليم يتحدث معه بصوت خافت قائلاً :

ليه عملت كده يا سليم دول سرقوك وكان ممكن يموتوك !

رفع سليم رأسه والدموع تملأ وجهه وقال له :

الناس دي شالطني في عنيتها العمر كله ومينفعش تبقى دي نهايتها حتي لو موتوني أنا من غيرهم كنت موت او موت نفسي أنا معاك أن الزمن غيرهم بس مين فينا الزمن مغيروش !

نظر إليه الضابط منير وقال :

أنت إنسان عظيم يا سليم ومفيش أزعاج للسلطات ولا حاجة أنت أديتنا درس في التسامح عمرنا ما هنتساه .. لو احتاجت أي حاجة أنا موجود .

فرد سليم عليه :

شكراً يا منير بيه ..

ثم وجه كلامه إلى عمال القصر بعد أن تركوهم رجال الشرطة قائلاً :

الفلوس اللي أخذتوها وشيلنها في قوضه عمران تحت في الجينة خدوها دي بتاعتكم أعتبروها مكافئه نهاية الخدمة .. مكافئته نهاية خدمة شخص أعمى شلته في عيونكم وعشتوا ظهر ليه العمر كله ! بس اللحظة دي آخر لحظة لينا مع بعض وآخر لحظة ليكم في القصر أمش عاوز أقابل حد فيكم تاني ولو صدفه ولو حد فيكم شافني مش عارف أعدي الطريق أو عي يمسك إيدي ويعديني او يساعدني .

أبويا قبل ما يموت زي ما وصاكم عليا وصاني عليكم وأعتقد أنا كده نفذت وصيته وأنتوا اللي ختوها .. شكراً على عمركم اللي عشتوه معايا وأي حاجة عملتها علشاني تقدرُوا تمشوا دلوقتي .

ما زال الخجل يملأ أعينهم بعد كلام سليم لهم وذهب كل منهم واحد وراء الآخر يقبل رأس سليم ثم يغادر خارج القصر أو أثناء خروجهم من بوابة القصر يتفاجأ الجميع بوجود عم سليمان داخل من بوابة القصر هم رحلوا ودخل سليمان أراه عم سليمان جالساً على إحدى مقاعد صالة القصر وحيداً أدخل عليه وألقى عليه السلام ثم

قال :

أنا أسف يا سليم بيه لأول مرة أعصي أمرك ومسمعش كلامك بس حضرتك قولتلى أرجع لبيتك وأولادك .. والقصر ده بيتي وأنت أبني أيا سليم بيه أنا مرتبش أولادي بس ربيتك أنت والقصر ده أنا عشت فيه أكثر من بيتي أ أولادي مش متعودين على وجودي وأنا مش متعود على وجودهم وكلهم أتجوزوا وبقوا مشغولين بيوتهم وأولادهم وأنا أتعودت أكون جنبك ومعاك .. حضرتك طلبت مني أبعد عنك وأبوك وصاني أفضل جنبك العمر كله ودي وصية الغالي ومقدرش منفذهاش أسليم بيه أنا هفضل معاك هنا في القصر .

فقال له :

أنا نفسي مش هقعدها هنا في القصر ياعم سليمان إذا كان اللي جواه خانوني بيقى اللي برا هيسبونني !!

فرد عليه :

مش مهم هعيش معاك حتى لو في الشارع .

ضحك سليم ثم رفع يديه فذهب إليه عم سليمان مسرعاً وأخذه بالحض والدموع تملأ عينيه وقال له :

ايه اللي حصل يا بيه وعملت ايه ؟

هحكيلك على كل حاجة ياعم سليمان أنت لازم تعرف كل حاجة .

حكى سليم كل شئ بالتفاصيل لعم سليمان وما فعله بخالد وعمران وأشرف وزينة وكان في حالة تعجب مثلهم أيضا ولكن فرح من رد فعل سليم ومسامحته لهم أو في اليوم التالي كان يتمشى سليم مع عم سليمان في حديقة القصر وساله عم سليمان ؟

يعني أنت فلوسك كلها أديتها لهم وشلتيلي حقي في البنك طب وأنت يا سليم بيه يعني فلوسك اللي في البنك كافية أنك تعيشك حياة كويسه زي ما كنت عايش !

فرد :

حتى فلوسي اللي في البنك مبقتش بتاعتي ياعم سليمان !

فرد متعجبا :

أمال بتاعه مين !!

هتعرف بعدين .

فسأله مرة أخرى :

أمال هتعيش أزاى يا بيه وأنت مش معاك فلوس !

فرد :

ومين قالك كده ياعم سليمان أنا اه مش معايا فلوس
دلوقتي بس معايا كنز أقدر أعيش بيه طول عمري
مبسوط بردو !

فرد عليه متعجباً :

كنز ايه يا سليم بيه ؟

فقال : هقولك .. هات فأس وتعالى ورايا !.

ذهب سليم وعم سليمان إلى الحديقة خلف القصر ووقف
سليم عند شجرة التوت القديمة وقال لعم سليمان هنا
كان أول حلم انا حلمته يا عم سليمان لما أبويا نزلني معاه
في نص الليل بحجة انه بيحب يتمشى في المطره بس اللي
شوفته في الحلم غير كده أبويا كان عنده علبة نحاسيه فيها
مجوهرات ودفنها هنا وأنا كنت معاه بس طبعاً مكوّنش
شايف هو بيعمل ايه ! بس في الحلم شوفت وعرفت بس
سيبته سر ليا العمر كله ودلوقتي جه وقته أحفر هنا ياعم
سليمان العلبة مدفونه بعد أربع خطوات ناحية القصر .

حفر عم سليمان حفره ليست كبيره ولا صغيره حتى ظهر
أمامه أثر العلبة النحاسيه كما أخبره سليم وتابع الحفر حتى
أستطاع أخراجها من باطن الارض وأعطاهها لسليم قائلاً :

عندك حق يا سليم بيه العلبة النحاسيه أهى .

أخذها سليم وقام بفتحها وقال لعم سليمان أن يخبره ما

بداخلها

نظر عم سليمان بداخلها وأخذ يقلب فيها بيديه وقال :

دي كلها سبايك ذهب ومجوهرات يا بيه كتيره أوي وقيمة
كمان .. وفي ورقه أهى !!

فقال متعجباً :

ورقة ! طب اقراءها كده ؟

فتح عم سليمان الورقة ليقراء ما فيها قائلاً :

« السلام عليكم ورحمه الله وبركاته .. أنا محمد القاضي
وهذه مجوهراتي وأشياي لا تتعجب من فعلتي هذه فأنت
لم تعش حياتي لتحكم عليا او تتهمني بالجنون ألقد صليت
صلاة أستخارة ورأيت حلماً يدلني أن أدفن هذا الصندوق
هنا أن كنت أبني الذي يسمع قراءة هذه الرسالة فهذه
هدية أبيك الذي دفنها هنا من أجلك ، وأن كنت غريباً
الذي يقرأ هذه الرسالة فمباركاً لك فهذه هدية من
الله لك ولكن أخرج منها جزء صدقه على أصحابها ..
والسلام عليكم ورحمه الله .

* * *

وهذه كانت حكمة الله في دفن محمد القاضي للصندوق
النحاسي ویشاء القدر أن تكون سنداً لأبنه بعد مرور ما

يقرب من عشرين عاماً منذ دفنها .

تحدث سليم مع عم سليمان قائلاً :

خلاص يا عم سليمان من اللحظة دي هنسيب القصر معودتش محتاجة أنا مش محتاج قصر زي ده يا عم سليمان أنا محتاج شقة او بيت كبير بس محتويني أما القصر ده في ناس محتاجة ليه هما أولى بمكان زي ده ومساحه كبيره زي دي .

أنتهت إسرائ من مناقشة الماجستير مع عدد من أساتذة الجامعة بتقدير أمتياز وبعد وصولها البيت أخرجت الظرف الذي أعطاها لها سليم وفتحته أكان مكون من عدة أوراق لم تفهم منها شئ وظرف أبيض بداخله كان عبارة عن جواب من سليم أخرجته لتقرأ ما فيه :

« الف مبروك على مناقشة الماجستير .. كان نفسي أكون حاضر معاكي وأقولها لك بنفسي بس أكيد المانع أقوى ، في كلمه في دماغي عاوز أقولها لك من ساعة ما قربت منك وعرفت الي في قلبك .. عملتي إيه في حياتك علشان ربنا يتليكي بحب شخص أعمى ! أأتمنى الاجابة على السؤال تبقى منطقية بس للأسف أنا مش موجود معاكي علشان أعرف الاجابة .. بعد قراءة الرسالة دي مدوريش عليا علشان مش هتلاقيني أأتمنى أكون فترة حلوة في حياتك أفاكره لما طلبتي مساعدتي في الجمعية الي عملتيها أنتى

وصحابك وقولتلك بعدين ! دلوقتي جه وقتها أنا أتنازلت
عن فلوسي الى في البنك للجمعية دي والقصر موجود
عندك ممكن يكون مقر الجمعية أنا عملتلك عقد إيجار
لكذا سنه أعلشان الي زي فاطمة تلاقي مكان تعيش فيه ،
وأطفال الشوارع الي نايمين تحت الكوبرى وعلى الارصفة
يبقى ليهم مكان يعيشوا فيه وأى حد أعمى ملوش بيت
يبقى ده بيته ، يلا وريني همتك بقى أنتي وأصحابك مش
عاوز أعرف أن في طفل او حد كبير نايم على الرصيف
او تحت الكوبرى الورق الي في الظرف ده في كل الاوراق
الي محتاجيها هتروحي للمحامي بتاعي عنوانه موجود
عندك وهو هيخلصلك كل حاجة سميها « جمعية القاضي
» . ومتزعليش مني أني بعدت عنك أنا صليت لربنا صلاة
أستخارة عن علاقتي بيكي وحلمت أني ببعد عنك وأكد
الي ربنا شايفه أحسن من الي أنا وأنتي عاوزينة ومين
عارف يمكن الزمن يرجعنا لبعض تاني زي ما شاء القدر
والاقي هدية أبويا الي شالها ليا من عشرين سنه أربنا ليه
حكمه في كل حاجة بنعملها حتى لو حاجة صغيرة .. ربنا
يسمعني عنك أخبار حلوه دايماً والسلام عليكم ورحمة الله

سليم القاضي

بكت إسراء بعد قراءة رسالة سليم لها ولكن قررت أن
تفعل ما طلبه منها وذهبت مسرعاً إلى القصر حتى تلحق

بسليم ولكن عند وصولها القصر لم يكن موجوداً أما سليم
فذهب ليعيش في شقته في الاسكندرية المطله على البحر
وكان جالساً في بلكونه الشقه يستنشق الهواء ويستمتع
بصوت البحر ودخل عليه عم سليمان والذي قرر أن
يعيش ويكمل حياته معه وحينها تحدث سليم مع نفسه
قائلاً :

الطيبة والمعدن الطيب عمرها ما بتتغير مع الزمن واللي
بيحبونا عمرهم ما هيسيبونا حتى لو طلبنا منهم كده
، هيطلعوا بمليون وسبب علشان يفضلوا جنبنا علشان
راحتهم هتفضل دايماً معانا ..

حضر عم سليمان وأعطى لسليم كوب الشاي وهو يجلس
في بلكونه الشقة وقال له :

طب والقصر يا بيه مش هنرجعله تاني ؟

ألفت إليه سليم مبتسماً وقال له :

هنرجعله يا عم سليمان ده قصر أبويا ومقدرش أفرط فيه أ
بس حالياً في ناس أهم منّا عايشين فيه ..

النهاية

قصر الكفيف

التواصل مع دار كتاب

Email: darkitabone@gmail.com

دار كتاب للنشر والتوزيع: facebook:

صفحة دار كتاب

٠١٠٢٩٧٥٥٢٠٠